

國
朝
詩
鐸

國朝詩鐸卷十七

錢唐張應昌仲甫選輯

流民

遇災遇兵者逃租者所詠各篇其詠僞以逃荒爲業者附錄於後

戈陸明逃亡屋篇見災荒總

投河歎

甲午春流民南走如蟻有夫婦至渾沱河欲渡舟子索值無以應遂墜子女赴河死

魏裔介

望望棄故里
躑躑度層阿
積雪愁未盡
寒雨漫長坡
豈不念鄉閭
命也嬰禍羅
行期計匝月
遙望見渾沱
渾沱何澎湃
春風增白波
對此心怵惕
四顧空延俄
飢夫前致詞
亦欲度此河
離鄉日已遠
無食一身多
況今檻穽

婦黃口一肩馱但獲渡濟去冥報豈有他舟子瞠目視
笑爲船上歌飢夫語飢婦我當葬蛟鼉爾挾懷中雛丐
食行逶迤飢婦更無語長號赴奔渦飢夫投其雛捐命
同飛蛾是時天地黯慘色起嗟峨飢民岸林立哽咽共
踈蹉哀哉今之人而不如鴛鴦

彭孫適貧婦歎見科派門

嚴允肇哀淮人覓賑飢門

河邊行

梁社

河邊日暮野風起搖漾愁生寒波裏河上行人哭道旁
淚灑河干成河水去時出門嗟無家今年還鄉苦無倚

無家甯作異地魂。無倚此身長已矣。身經太平不識兵。
獼猴跳梁禍之始。比年爭戰日相尋。村落邱墟廬舍圯。
延及東南被賊圍。阿男生罹阿女死。朝不見生悲斷腸。
夜還夢死痛入髓。懷中白璧掌上珠。可憐骨肉填溝壘。
重來河上問河西。烟水蕭涼夕影低。深巷狐狸學鬼語。
古牆鼯鼠避人啼。春風野馬生陰室。井臼苔寒鳴蟋蟀。
羨爾微蟲不識愁。潛藏寂處無相失。離亂頻仍可奈何。
江山極目擾干戈。滔滔河水流無盡。不及行人涕淚多。

哀流民

申頌

朔風吹枯蓬。數里聞號呼。行行見流民。狼狽紛路衢。面

上多塵土。身上無完襦。逢人跪告訴。欲語淚連珠。豈不
懷鄉土。恐懼急征輸。頻年遭旱魃。原野盡焦枯。卽欲鬻
男女。無人能養奴。盜賊食生人。官司笞瘦膚。性命無由
保。何暇念田廬。棄絕祖父墳。扶持兼妻孥。所過州與縣。
貧苦畧無殊。年荒禁令嚴。不許入城郭。白日食草根。黑
夜臥榛蕪。老稚不耐苦。沿途死溝渠。到此十餘一。充腸
半粟無。自然死不免。或可緩斯須。言久氣力絕。伏地但
歔歔。令我摧肺肝。欲去更躊躇。所愧書生囊。能得幾青
蚨。人各給數文。聊爲一食需。食已還復饑。更將之何都。
樂土知無地。流離徒崎嶇。不見吾鄉民。亦多遠逃逋。

聖人握至治備荒足倉儲賑濟行天仁
詔下萬彙蘇
請爲歌
帝德相勸返鄉閭

陳恭尹乞食翁篇見稅斂門

流民行

劉儀恕

風颼颼雨潺潺流民如蟻牽破船船中何所有瓦盆蓑
笠與敗瓊問民何所資道旁野菜路人錢耶孃妻子同
哀叫哀聲迸淚如流泉淚流欲訴先痛心苦道年前遭
水沈二州五縣同時沒千里霜寒絕杵砧至今水去已
無家盡室漂流逐白沙況是軍興役賦急都長里正窮
紛拏破船何處堪停泊已拚飢餓填溝壑嗚呼縱使饑

餓填溝壑不敢歸農受吏索

流民行

吳世杰

纍纍陌上子飢驅無甯晷驚聞鄉語一相訊云住璧湖
湖畔東阿里殷勤語流民慎勿他鄉徙他鄉雖云樂不
如還鄉力耕作飛鳥思故林遊魚思故淵況有他鄉疫
癘相烹煎流民流民歸來許會有慈母來哺汝

簞船謠

朱樟

湘南逃租戶汎宅齊入川柁樓坐男女樵爨來江邊衣
食問諸水雞犬各在船競言蜀土滿陸海行可填團結
立保社親串連陌阡趾舉若雷動螳聚如附羶州縣苦

懂擾訟牒多，衮延風俗輕。去鄉棄若敝屣焉，長吏下飛
檄，木榜令甲刊圖版，限屑齒盤詰，同陰奸紅篆，驗官符
不許舛。艤牽旅食，遂無所號呼。皆喪天一停夔州口，勿
計日月年。聯舟貼危岸，晨朝絕炊煙。苦菜口，不如好女
裙。無完骨，月誓相捨賣。兒勿論錢，遂成中道廢。忍痛甘
棄捐，我見心惻惻。落淚迸流泉。聖朝重戶口，乃以尺
籍編。譬如十一野，卯酉判度躔。血脈不聯絡，手足成拘
攣。何仇復何親，視若吳越然。下情末由達，上德何以宣。
烝黎爾無罪，樂土誰與遷。碩鼠食我苗，封豕侵我田。但
使廬井存，何至離邱園。疾呼震輶轡，代彼流民言。秋江

多怒濤無恙捍索懸掬水照鳥面容死誰哀憐

劉青藜乞兒行見催科門

賑粥行

陳章

飢寒交迫流民苦此身不計還鄉土懷中兒死隨地埋
哭向青天淚如雨夫喚妻前無氣力子負母行三步息
聞道揚州粥廠開匍匐就食聊爾來官清商義得一飽
幸可百日支殘骸殘骸畧支愁轉多田廬猶是在洪波
勸爾不須回首望人家多少餵黿鼉

葑門渡

丙子春至吳會由葑門泛閶門見待賑飢民沿城舟不絕人面如鬼愁聲沈雨穢氣

蒸煙懷
然有感

朱炎

封門渡老弱啼飢滿河路老翁有子不得哺弱兒有母
出無磅一家離散慘誰訴官粥三升度朝暮去年那復
計今年今年難種去年田遠來就食苟緩死亦知緩死
須臾耳得生還仗官吏賢今日敢信命在天蕭蕭月落
照愁苦縣官鼙鼙打衙鼓

湯禮祥飢民船篇見災荒總

張雲璈淮上流民歎見河防門

逃荒民

范來宗

朝出平江路路逢逃荒民云自淮揚來河伯降虐頻老
少結爲隊男婦雜作羣或集日中市或叩富兒門應之

肆貪索卻之動怒噴其初窮無告其繼凶莫馴似有導
引者當前駭見閭居人畏如虎掩關日未曛孰無矜惻
意變作防禦殷憲府大張示賑卹蒙 皇仁爲爾具舟
楫傳送歸榆枌榆枌在何所微茫辨荒村雖無生還樂
猶勝客死魂

逃荒行

陳聲和

老翁負擔力不勝老婦攜女頭鬢鬢擔頭何所有一釜
生塵一瓦缶一兒牙牙尙黃口坐以敗絮一尺厚其女
十數齡與娘更換提籃行顏色各憔悴含淚不下先吞
聲問翁胡爲至於此云在高郵住鄉里頻歲災荒米減

收種食芋魁賴不死今年田沒屋漂流不幸有身累妻
子朝來求乞向前村百結鶉衣體不溫朔風淒淒白日
暮可憐投宿還無門縱有人家許留住四口晚糧出何
處婦女傷心止勿言聽者躊躇不能去此時行路盡生
憐有客來投數十錢道旁勸借茅檐宿明日流離又惘
然

流丐行

劉汝器

流丐來何方攔街奪市爭披猖縣吏聞之赫然怒亟檄
武弁整行伍整行伍具火兵流丐瑟縮不敢迎相與揮
擲釜甑聲錚錚流丐深走藏縣吏翻驚惶流丐身無甲

囊橐無餽糧。饑餓弗能忍。昧死來殊方。請吏勿驚惶。驚惶當上訴。馳告上司。今給斗餉。流丐雖愚頑。兮歸故土。

流民歎

沂州道中作

楊倫

長途倦行役。日日馳輪蹄。但見鶉衣人。夾路向我啼。冷風入鼻觀。哀叫聲酸嘶。一飯苦難得。面貌病黑黧。去年決淮東。今年決濟西。田廬半蕩析。極目皆災黎。問之咽不言語。及更慘淒寡。妻並稚子。不得相提攜。漂泊止一身。溝壑愁顛擠。近聞明詔下。發帑修金隄。賑卹務實惠。守令不敢稽。佇見水患退。春田得鋤犁。流亡盡復業。鴻雁期安棲。

流民歎

尤興詩

流民來勢喧。厖十室九閉門。弗開東索物。西索財一口。
冒百口。哈一臂。奮百臂。推其情。洵湧鋒。莫摧嗟。爾流民。
良可哀。性命苦。被鬼伯。催四方。行乞例。不禁胡爲乎。如。
丐如盜。令我心驚猜。胡爲乎。歡娛醉飽背。馱橐載纔肯。
回束涇。固憂急召變。養癰亦恐終。成災用仁以煦。用義。
裁讀書長懷撫馭才。

顧敏恆江北飢民詩見災荒總

推車謠

李鑾宣

隻輪車雙足。趺夫爲推婦爲挽。老嫗稚子坐兩頭。黃土。

滿身淚滿眼問從何處來曰從山東來問從何處去乞
食遠方去車上何所有破氈裏敝帚車中何所施草根
兼樹皮欲行不行行蹣跚累日並無粒米餐長跼乞憐
求施一錢一錢不救君饑寒隻輪車車轉轂老嫗嗚嗚
抱兒哭賣汝難拋一塊肉不如老嫗經溝瀆

逃荒行

陶譽相

秋風獵獵天將霜長途隊隊懷餓糧淮徐大水鳳潁旱
千人萬人爭逃荒逃荒卻欲往何處聞道江南多富庶
鎖門擔釜辭親隣全家都上黃泥路黃泥深淺沒髀寒
十步九步行蹣跚少婦負兒肩背折老親含涕心肝酸

無錢旅店不肯歇。且向山凹宿明月。背風敲火支破鍋。
汲水和泥炊落葉。夜深恐惹虎豹猜。幾次兒啼驚夢回。
涼颼刺骨屢伸縮。妻呻母噉良可哀。天明早起滿身露。
道遇行人過前渡。報說江南逃荒多。斗米換兒人不顧。
聞言半晌淚欲吞。前途如此愁難存。進固維艱退不易。
全家環泣天黃昏。天黃昏更斷魂。強顏乞食投豪門。豪
門簫管多車馬。一曲纏頭珠盈把。

流民歎

張學仁

黃水淤泥深湖水。沃隄怒隄危。剩三版相顧驚失措。官
書火急保揚州。挑泥塞斷城邊路。五壩倉皇一夜開橫。

流決向下河去下河居民十萬家夢中風雨聲奔注田
廬畜牧盡漂流攜家齊上揚州訴揚州城門晝不開僱
船催向鎮江來鎮江頻年饑米貴人艱食突聞流民來
閉戶皆不出填街塞巷聞號呼奔走三日至五日大戶
輸千錢中戶輸五百小戶無餘糧亦輸二三十秋風蕭
瑟天氣涼掩肝苦無單衣裳衣深餓倒古廟裏急炊糠
覈充飢腸縣官清貧坐無策張蓋出視心皇皇沿街那
敢禁人臥但勸明日趨丹陽吁嗟乎揚州土壤稱膏腴
鹽筴富甲東南隅豪門一日酒肉費可救萬姓瘡痍蘇
盍不爲粥拯餓者莫使監門繪作圖

流民謠

東平東阿道中

吳慈鶴

山行盡日何所見。婦歎兒啼淚洗面。小車鴉軋千百轉。
乞食焉能守鄉縣。車上何有一束藁。破缶長罌亦家寶。
腹中久無麥與菽。何怪形容盡枯槁。行千百里將安從。
壯者但恃能爲傭。爲傭妻子亦奴隸。受人唾罵不敢恥。
祇愁老稚無筋力。輾轉溝中仍已矣。問子來何自。答云
東郡東吾鄉。去秋苦無雨。今春白日頻黑風。十家種麥
只五家。一寸二寸如亂麻。偶然得雨種禾黍。幾日又已
埋風沙。前村賣屋拆屋盡。後村賣驢不留牝。質庫閉門
富閉糴。性命窮黎等蒿蕝。甘心遠去求樂土。雞亦無家

犬無主。縣官雖已免催科。流民無食將奈何。

流民歎

馮詢

伊啞嘲哢雜笑談。赤髮嫗婦鰥面男。少壯肩頰走負擔。
不能走者擔以籃。忍寒寂似銜蘆雁。救餒喧於食葉蠶。
嗟爾流民胡至此。云是漢江遭大水。走遍天涯非得已。
填城溢郭入村里。我見流民倍悽惻。十年忽感飄流跡。
記從樊城下漢口。一日水長一百尺。蒼黃入夜變漆黑。
明月亦沈星斗溼。隱隱孤屋欲投船。譁道危樓泊不得。
移船縛纜挂樹顛。破曉開船樓已失。吁嗟此景如昨日。

鴉村記所見

蕭掄

蕭蕭北風吹颯颯飛蓬驚淒淒寒蟲號蕭蕭哀鴻征此
聲從何來令我心忤忤須與人塞途鵠面而鳩形一隻
前致詞欲語聲仍吞自言住淮南家有田可耕今年河
水決濁浪高於城千邨盡漂沒白骨何縱橫存者半流
亡我亦相隨行邨中三百口雪虐風饕并稚男與碎女
病者尤伶仃死者旣已死生者何由生乞食非得已強
顏難爲情我聞淮徐災澤洞信可驚 帝心念飢渴
恩詔頒分明出金百餘萬大吏是責成守令親民官檢
覈周鄉亭惟恐一民飢撫字俾咸甯胡此尙嗷嗷海畔
悲飄零誰繪鄭俠圖持以獻 彤廷

流民歎

姚鎮

少婦走千里有家不能歸。負兒復扶媪。涕泣沾麻衣。駐馬間。少婦少婦增噓唏。前年淮大水。夫死身無依。姑也年八十。形影難相離。薄田傷秋旱。無以供甘肥。遠行可乞食。甯憚筋力疲。妾亦良家女。何以遠行爲。妾死姑亦死。妾生姑不饑。忍辱非苟活。此意無人知。

乞兒行

許乃穀

風如虎。車如雷。黃昏獨自山中回。哭聲隱隱來山麓。迴腸似與車輪逐。點燈呼問何所哀。道是百里飢驅來。來時五日驅驢相負。旬日之間僅存老母。母兮道旁臥欲

僵提籃入市求壺漿歸來視母母不起求食不得母先死。

流民歎

楊鑄

黃河倒灌淮河流下河千里無平疇子負母兮父曳女
呼號震動青天愁回頭顧同伴飄蕩如輕鷗登高望鄉
里水壓隣家樓瘦犢肥豚水中走屋上炊煙裊隄柳懷
藏麥餅聊忍飢父分女兮子分母晝夜無他求惟恐水
相逐耕田不識路枵腹仰天哭道旁借問何處行行人
但指揚州城揚州富鹽菜酒肉朱門盈邗溝一夕萬人
聚大吏議賑多經營沿河捉船戶再點巡河兵給錢逐

一列名冊迫之使進江南程昔聞江南好大江茫茫風
色早江南頃刻居人擾視汝流亡似秋草縣官捐俸施
困窮給錢差與揚州同曉發丹陽暮無錫許關不許流
民通唇聲回向江頭泣天災爾民亦何極十人逃難幾
人存家園猶報洪濤溢

鴻雁篇

褚逢椿

哀鴻雁飛連翮十十五大道邊敝車軋軋聲相連大
兒啼饑奔向前小兒尙抱懷中眠老婦臥車上垂白身
拘攣老翁向人道災旱逢今年大麥不死數寸耳甚者
赤地皆荒田市中一升粟三百青銅錢今日賣犢明日

賣屋賣牛賣屋不得數日飽不如他鄉樂土樂吁嗟乎
他鄉雖云樂道路死亡相繼續女作人婢男作奴爲婢
爲奴不得贖鴻雁哀鳴何處宿

悲流民

四首

朱 綬

一幫十數船一船十餘人面目鰲且瘠百結衣懸鶉有
翁背痠癢坐起轉側頻有婦髮不櫛乳兒自吟呻問渠
何方來云是淮南民淮南患湖漲廬舍波渾渾浮屍蔽
江下我屬幸苟存苟存亦須與東西安所奔同船相託
命謂如骨肉親昨有抱病者呼號慘難聞病亦未卽死
委棄荒江濱豈不其悲歎急難先顧身官府大仁慈送

我資我緝去去定何適皇皇益煩冤生當永漂泊死爲異鄉魂

少年稍白晢哭聲一何酸言有母與妻家足供醢醢夜中水大至全家陷崩湍倉黃不能救獨竄危樹端隣翁拏舟及此身尙人間死者失骸骨思之摧肺肝一叟起長慟家亦淪于淵祇有最幼子攜上逃荒船船中大風雨三日飢腸煎聚則兩死餓賣之冀稍延晨到京口驛插標官路邊莫遇山西賈得價千銅錢去當爲人奴卽受笞與鞭我身不自保我後安能憐

蘇州有閭門閭門在天上富兒列屋居不識寒餓狀登

門告哀苦弗應耳塞續亦知人數多未敢肆筵榜八月
聖壽節綵棚排畫仗初七至十五歌吹溢衢巷曷不輟
此費義賑資以放 皇仁軫飢溺益體 恩浩蕩我願
鄉耆紳勸諭言闔亮勿偷目前安而謂姑無妨彼亦平
世民所遭可矜諒旦夕得幸全造福卽無量

朝來十數船暮來十數船船集河汊朝暮聲喧喧支
竈扳岸石或拔牆上輒刈薪及墳樹松柏多摧殘有時
結成隊手挈壺與簞入市强求索非理橫相干人多勢
易張彈壓事實難矧今流民巾桀黠非一端而此桀黠
徒茲日皆飢寒旣爲飢寒迫等作哀鴻看吾郡號殷賑

眼熱百貨塵官私急調卹念戾庶一蠲毋俾捨軀命橫
決如潰川敬告司牧者患來防未然

哀流民

甯化道中
道光戊申

江 湜

寒風颯颯溪聲哀山日下地城門開居人婦子走相避
云有湖北流民來流民來街衢暗慘飛塵埃負者負拾
者拾破鍋敝席肩挑輕寒者鼻涕長垂膺餒者瘦骨高
崢嶸病者喘息喉作聲老者足蹇兒扶行前男後婦同
伶俜探懷更哺啼飢嬰中一老生行來前曰我襄漢之
今年秋霖十日江吞天三十州縣空人煙吾屬幸脫蛟
龍涎吁嗟乎田園闕井村塢莊門扉廚竈几案牀種成

桑麻黍稻梁養得鵝鴨雞豬羊是皆付水非吾有獨辦
兩肩持一口萬水千山挈羣走昨者天子施恩膏疆
吏散賑招亡逃恨身不如水歸壑還望鄉國仍嗷嗷我
聞去年秋枯旱徧河雒水旱連年氣參錯烏虜安得青
山爲銅高嵯峨大錢一鑄百萬多資爾歸去毋奔波

附錄
逃荒民

陳登泰

有田胡不耕有宅胡弗居甘心棄顏面踉蹌走塵途如
何齊魯風彷彿鳳與廬其始由凶歲其漸逮豐年豈不
樂故土習慣成自然高秋八九月禾黍旣登場麥田亦
已種綢繆裏餽糧局我白板門輦我隻輪車約畧挈家

具鑿鎗雜杈杷大婦苦藍縷小婦整衣裳中男隨母走
小兒坐車箱片席卽行窩兩甄支土銼抬薪道旁炊倚
樹煙邊臥山石穿屣履雪霜冰涕唾借問何所往樂國
卽所航或在蒙之北或在江之南强者事力役弱者空
咨嗟咨嗟復何益沿門唱蓮花蓮花落可憐四月歸爾
田未必無溝壑居然作貿遷我願天地慈歲歲降康穰
春田登來牟秋田足稻粱逋課完征輸餘積備凶荒枌
榆樂鄉社酒食羅雞豚嫁娶皆及時卒歲不出門甘爲
首邱死勿爲他鄉存又願賢大夫誥誠心力殫必挽頽
敗風無爲積重難激之以廉恥溫之以陽春水旱一見

苦汲汲爲拊循飢者爲之食寒者給衣禪游惰懲以法
柔懦加之恩三年或不效十年當還酒嗟爾羣蚩氓逐
逐亦何愚有田不肯耕有宅不肯居輕去其鄉里勞瘁
於旅塗心臧土物愛早上和親書

流丐

吳世涵

居民已嗷嗷流丐復四集百十成其羣布滿鄉與邑借
問從何來淙鳳與宣歙連年遭水旱少壯俱失業逃荒
遂至此冀得賑窮乏其中有良家逢人掩面泣自云不
願來無奈衆迫脅流離誠可憫男女何冗雜尤多黠猾
徒獷悍不知法藉茲逃荒衆遂以逞姦俠荒野及窮村

往往肆行劫吾邑久被災民食百不給那堪此輩至取
求日紛沓寄語長民者厯心善撫輯速爲遣之去留我
烝民粒

鬻兒女

鬻婦附○皆詠爲飢荒追呼而鬻者其
詠民俗鬻女爲妾妓之篇附錄於後

牽兒衣

方授

牽兒衣執兒手賣兒天涯牛馬走不及黃泉得見否囑
兒悲啼勿在口有兒可易米一斗卽此以報汝父母只
恐新穀未升斗米完無兒可賣又賣婦

臨頓兒

臨頓吳時館名
在蘇州府城東

吳偉業

臨頓誰家兒生小於白晳阿爺負官錢棄置何倉卒紿

我適誰家朱門臨廣陌。囑儂且好住。跳弄無知識。獨怪
臨去時。摩首加憐惜。三年教歌舞。萬里離親戚。絕伎逢
侯王。寵異施恩澤。高堂紅氍毹。華燈布瑤席。授以紫檀
槽。吹以白玉笛。文錦縫我衣。珍珠裝我額。瑟瑟珊瑚枝。
曲罷恣狼藉。我本貧家子。邂逅遭拋擲。一身被驅使。兩
口無消息。縱賞千黃金。莫救餓死骨。歡樂居他鄉。骨肉
誠何益。

堇山兒

又

堇山兒兒生不識亂與離。父言急去牽兒衣。母言乞火
爲兒炊。作糜父母忽不見。但見長風白浪高。崔鬼將軍

下一令軍中那得聞兒啼樓船何高高沙岸多崩摧榜
人不能移舉手推墮之上有蒲與荏下有溜與泥十步
九倒迷東西身無袴襦足穿茨藜叩頭指口惟言飢將
船送兒去問以鄉里記憶還依稀父兮母兮哭相認聲
音雖是形骸非傍有一老翁羨兒獨來歸不知我兒何
處餵游魚或經畧賣遭鞭笞垂頭涕下何纍纍吾欲竟
此曲此曲哀且悲茫茫海內風塵飛一身不自保生兒
欲何爲君不見堇山兒

田家女兒行

顏鼎受

田家女兒年十六賣作青衣同人哭自言數世居南邨

紡績爲生治杼軸去歲田荒稼不登一春八口無饘粥
今年官稅急難供東西叫號驚里族隸胥門外呼一聲
雞犬倉皇上牆屋小兒聞之走牀下老人見之徒側目
向前哀告且莫嗔朝來女兒還枵腹本欲留君無一錢
脫粟不能況酒肉白頭老翁筋力衰此去何堪受鞭扑
願鬻此女爲人奴老人幸免捐溝瀆託身無過錢千貫
待價豈期珠百斛提籠采藥憶昔時短髮未許施膏沐
歎息此夜朱門深老父不知何處宿

賣子行

郭鳳階

歎息重歎息朔風吹荊棘路旁何婦人掩袂行且泣歲

暮攻閩安符牒選丁男丈夫從役去身死鼓山南家貧
子尙幼戰場痛暴骸賣子鑲旗下欲往自負埋豈意命
重乖道逢追呼吏田荒賦頻加人亡徭猶在攫金盡賠
官我子空拋棄夫歿長不歸子去復萬里死別與生離
此苦誰所使黃泉易尋夫何時能見子朝聞溪水聲思
子哭幽咽暮聽蘆笳吹念子腸摧裂我本傷離人聞言
悲何已爲歌賣子行泪下如流水

隣家婢

景星杓

隣家婢衣蝨攢生玉肌臙早夜力作不敢息背面沄沄
墮悲涕當時饑餓聲爲吞糠粃不足齧草糧人生骨肉

豈不戀官糧追呼下遠村鬻此愛子免溝壑子錢未收
吏到門剜肉救瘡親恩絕小男未贖忍再論一朝棄作
人奴賤日受鞭撻盈血痕境窮慎毋鬻子孫爲人奴婢
不忍言但觀此婢懷煩冤彼亦人子當可憐吁嗟彼亦
人子當可憐奈何豪家不肯相顧恤高堂肉食驕自尊

草標泣

倪蛻

旱澇不常畿輔饑流民乞食來京師草標插頭淚滿眼
凍餓迫人行賣兒阿兒向父言人家生兒望成立父今
棄兒又奚爲阿父向兒言兒年猶小兒不知凶荒不得
保軀命安能望爾成立時貴家大宅有衣食兒去得飽

父有貲兒住同死去同活事勢至此將何之阿兒乃大
哭委擲草標當路歧同活不相見不如同死還相隨草
標泣真可悲

丁未紀事

何夢瑤

暮從竹徑歸行經深灣側村老四五人對語淚垂臆飢
婦棄兒去從朝以至夕呱呱叢薄中半日聲漸寂未知
生與死欲視不敢逼荒歲命難存十室九乏食恐當及
此兒同作溝中瘠聞言亟往觀奄奄餘一息見人急欲
就匍匐苦無力遽前抱之起如卵得覆翼畏我復捨去
牽衣不肯釋以指納其口吮咂聲唧唧爲乞薄糜至三

哺乃下嗌其母居隣村物色因便得抱兒往見母僵臥
面向壁轉身持兒號已判死牀席期汝有人收豈料更
相覓終當抱兒死忍再相拋擲母哭兒更啼四隣盡悲
惻哀哉母勿悲周急敢吝嗇青蚨三百文斗米聊可易
西江尙當借先用資涓滴作詩告仁人釜庾應勿惜安
得天雨粟珠粒徧蒼赤

鬻子行

褚廷璋

百錢鬻一男千錢鬻一女十十與五五道路自儔侶牽
衣或頓足大者三尺許其小尤零丁未斷懷中乳父母
謂子女鬻汝亦痛汝割肉與他人豈不創深鉅父母謂

國朝詩金 卷一
子女鬻汝亦愛汝鬻爲豪家奴顧盼得所主遠鬻去閭
里浩蕩脫拘圉鬻汝以生離不鬻以死聚苟能全性命
恨不插毛羽蕭條悲風寒野曠日不煦河橋永訣別淚
眼血如縷寡婦與鰥夫飢寒獨延佇

賣女詞

張雲璈

八歲小女兒生長在茆屋去年阿耶死有母不能育賣
女錢十千聊以繼餽粥得卻手中錢失卻心頭肉女淚
盈一把母錢盈一斛阿女淚未乾阿母錢已足

甯夏
采風 賣兒謠

楊芳燦

昔聞有林回投璧負嬰孩所重骨肉恩千金何爲哉云

何蚩蚩輩自絕其根。茲不見買奴婢。都向甯都來。幼女
齒方齟。稚兒髮覆眉。父母牽就市。相望何纍纍。借問若
干值。一緡三歲奇。兒啼父不念。兒去母不思。但云紇干
雀。從爾好處飛。好處竟何處。此離定長離。別有市僧徒。
剽販轉東西。兒身已無帶。兒命當屬誰。憶昨設粥日。有
婦老且嫠。自言身有子。典鬻無子遺。只今一身在。微命
如懸絲。回頭覓兒錢。撒手風雨馳。溫飽能幾許。不死仍
苦飢。余旣感斯語。已乃喻遭之。不聞蛩負蛩。唧將甘草
貽。不聞烏母慈。仍有反哺兒。微物心尙爾。爾當轉自嗤。
徒令桓山曲。終古爲酸嘶。

賣兒女行

錢世錫

楚楚小女子夜夜隨母眠撫養辛勤費幾許賤賣纔得
五千錢女價賤猶好男賤更如草賣男持得千錢歸糴
米能得幾日飽也知賣男鬻女錢無多明朝錢盡仍餓
當如何天寒土室風蕭索夫婦終難免溝壑不如早將
兒女賣他鄉望到他鄉生處樂揮涕不顧拋卻雛兒女
遙望啼呱呱我我大編乘風去不知耶孃再見能得無
嗚呼杜母與召父不望家家徧哺乳但稍霑潤亦甘雨
免教百姓賣兒女

賣女行

西安饑常女者以斤計值一斤十錢百斤者每斤減兩錢

李驥元

秦女饑饉時賤同石與瓦一斤鬻十錢百斤價還下老
翁怨兒肥持權淚盈把老婦不忍離嬌兒呼平野虎猛
子不食鳩慈子難捨骨肉奚無情歲儉衣食寡卻窺大
吏門珠玉別真假十金買奇花百金買良馬

賣子謠

李鑾宣

百錢買一兒千錢買一女小者五六歲大者三尺許十
十五五沿隄來彳亍彳亍黃塵霾老姆謂兒女賣汝實
痛汝懷中一塊肉棄作路旁土老父謂兒女賣汝乃愛
汝朱門酒肉臭但去無所苦癡兒癡女不知離別難從
人畧賣衣禪單衣單單心悵悵兒長爲奴女爲妾竈前

竈後背人泣。

鬻女詞

楊城書

田無禾室無脯里胥持帖怒如虎枯魚索肆難久存死
別何如生離苦有女甫弱齡病骨支伶仃翁攜出門去
相顧涕泗零愁雲漠漠江干起含悲來入朱門裏主人
見之心骨傷慷慨給錢書片紙老翁顧兒不忍行女挽
翁裾淚如水朔風吹雪雪滿衣急納官賦公衙歸歸來
痛女長太息恨不身作溝中瘠

插草吟

丙午春饑甚有以草
插婦女首鬻之者

蔣世煥

月淒淒風嫋嫋大婦小姑頭插草街南巷北行人多呼

天但乞生離早剗肉可醫骨斷難治耶孀夫妻揮手別
眼中無血身存皮君不見官府連朝讎僚屬千金新買
人如玉。

新隄婦

毛國翰

長風吹積陰荒草蔓新隄隄旁倚破屋有婦掩面啼借
問何所悲欲語神慘淒汚陽膏腴地自昔形勢卑頻年
水爲患不得把鋤犁食貧妾有夫力耕三歲饑家具旣
賣盡天寒無蒿藜昨欲賣兒女言發心魂癡懷中七歲
女忍痛離母幃女在兒難全安能兩相依但得暫存活
猶勝死別離嗟此餓孀骨何處埋沙泥。

鬻孫謠

盛大士

淮濱老翁髮垂耳凍癢黧黑飢欲死傭耕兒子慣作苦
忽遭時疫竟不起兩孫大者八九歲幼者尙在襁褓裏
可憐逋債逐歲增終日叩門聞厲聲幼孫乳哺不忍棄
攜其大者來入城兒婦牽衣攔路哭翁亦垂垂淚盈目
論價無心較重輕但求少貨鞭笞酷臨行回首重提攜
餉以餅飣聊充飢分衢南北望不極彼此一去無消息
荒郊日夕下牛羊淮流嗚咽斷人腸仰視飛禽舉雙翼
安得引孫置翁旁歸來隣舍訴悽惻掩淚相看問價直
卻因同病更相憐燈火黃昏少顏色東家鬻女錢數千

西家鬻男錢數百。熒熒骨月不相保。生男不如生女好。
鬻女可支一月糧。鬻男只供幾日飽。如翁衰病面枯槁。
卒歲何能免餓殍。搖手噤口毋多談。門外追呼又奔擾。
兒掘草根母斫樹皮。草寒不生樹枯無枝兒告阿母兒。
在母飢鬻兒母生畜兒何爲。澌澌原獸顧犢而嘶。翩翩
林鳥引雛共飛。椎心仰天誰不傷悲。

鬻女謠

岳鴻振

富家賣米貴如珠。貧家鬻女賤如土。米價日增女價賤。
鬻女救得幾時苦。道逢債主急索錢。歸來依舊空腰纏。

餘錢入市換升斗煮米作粥且糊口君不見城中足穀
翁鉢錙較算何其工米價未足米倉閉縱遇至戚無通
融勸君賣米休論價世事循環真可怕今日蓬頭垢面
鬻女者當時積米如山辦昏嫁

娘難見

辛亥壬子間河決淮徐飢民載路時余北
上道出是間有老婦攜八歲女迫及余船
求收養作婢委兒徑去兒隨諸婢飼應不敢悲
泣惟時倚船窗愁苦作小語察之無他詞但曰
娘難見聞之慘然作五解誌歎

馮詢

娘難見娘在山巔兒在水面山水亦天胡爲使我娘兒

割斷

一解

兒在水面貴人之船娘在山巔窮無一椽窮

無一椽飢餓難並存低首語兒娘今將兒送貴人兒聰

明必得貴人憐兒飽矣娘涕淚漣漣

解二

貴人富足恩

及婢僕飲食衣服勝父母鞠育

解三

鬢翠衣青侍側競

競仰視貴人貂蟬何榮貂蟬雖榮不如我父母鵲面鳩

形呼娘娘不應恐貴人嗔忍淚吞聲

解四

娘難見日倚

船窗苦千山萬水排無數中有一條隱愁霧是娘送我

來時路

解五

賣兒行

陳偕燦

阿孃臥地無人色阿耶牽兒長太息兒留同作一門殍

兒賣尙支三日食出門語兒兒勿傷兒行得食兼衣裳

兒值活爾耶與孃兒聞此語心酸悲哭聲不出飢腸飢

臨歧戀戀牽耶衣阿耶撒手作嘖怒回頭淚雨紛傾注
歸語阿娘歡笑去明朝買米炊作羹釜中煎泣如兒聲

姚東之翁無妻篇見災荒總

買人船

嘉慶丙寅紀荒詩畧之一篇。有以販人爲買賣者鄉人傷之名其船曰買人船。

顧仙根

荒歲市不通來有買人船船不上馬頭常泊野水邊買
女不買男口不惜多錢似買卻非賈時亦著衣冠兩三
共爲侶去來若閒閒見人不直視白日有暗顏忽然類
相逐男婦爲後先出門復入門言談大有緣日月豈不
照詭譎事多端誰憐方幼子鵠面辨媼妍豈無許嫁者

亦已及笄年至愛豈能割好語爲纏絲遂忘鞠育勞甯
顧禮義愆所得分他人骨月已不全吁嗟父母心不如
金石堅

鬻女歎

謝元淮

夫擔男婦負女乞食廣陵淚如雨垢面蓬頭衣不完逢
人哀訴饑寒苦自言家住高郵鄉去此百里珠湖傍有
田三十畝夫耕婦蠶桑雞棲豚柵穀盈倉東隣西舍歡
豐穰去年春夏雨不止二麥無收秧爛死橫流突過馬
棚灣千人萬人漂浪底奪得性命出洪濤全家丐食來
江皋誰知此邦同蕭索飢驅早向他方逃鄉村無人到

城市可憐困苦存皮毛亦知凍餓難久活會須日暮埋
蓬蒿一女方六齡一兒未離乳抱中不忍死前拋賣女
求易升斗黍兒呱呱女噍噍額呼天天蒼蒼母禁女
號捉女臂女不肯前母揮涕此女驕癡未長成捧箒堂
前能掃地回頭忽向女兒啼憶昔養汝藏深閨今日窮
途棄汝去未得梳裹親提攜汝往朱門飽喫飯毋須念
我耶孃飢女聞母語牽母衣哭聲嘈雜悲分離我聽前
言已歎息更覩此情心惻惻問婦賣女錢幾何婦云一
緡應非多儂今與錢不索女使爾骨肉長相聚夫婦感
泣齊下拜受錢率女不復賣日暮西風冷砭肌歸來償

債典春衣吁嗟乎世上何人不可憐。況茲饑饉遭顛連。
安得有錢千萬緡。盡贖天下兒女使團圓。家家鼓腹遊
堯天。

藥兒謠

朱綬

往年飢荒鬻兒女。今年兒女鬻無所。草間啼兒母不乳。
生年月日書在楮。旁有一翁歎息語。我無兒女當育汝。
朽無完衣蠶無黍。躑躅街頭淚如雨。

賣女辭

胡光輔

貧富固有命。勤惰在自爲。斯言不我信。請聽賣女辭。賣
女誰家婦。年可三十餘。欲進頗羞抑。未語先歔歔。自言

暨陽人苧羅村畔居雖非名門匹終與下賤殊阿翁善
生計操算窮毫釐夫壻三五年翩翩誇客儀賤妾初嫁
時盈門生光輝頭上何所有雙鬢鬋葉垂腳下何所有
七寶羅襪披約腕金跳脫懸耳眞珠璣豈不嫺鍼黹所
恃嫁時衣豈不念貧窶所恃篋中貲夫壻恣游冶揮金
不自知朝從牧豬戲夜逐青樓嬉朝朝復暮暮蕩然無
孑遺昔日富阡陌今不得立錫昔日屢梁肉今不得粥
糜顧茲膝下女嗷嗷啼朝飢妾命且難保女飢將誰依
欲忍須臾活賣此七歲兒吁嗟乎玉樓金戶春復春西
家乍富東家貧請看今日賣女者卽是當年買婢人

棄兒行

閩媛黃克巽

棄兒不得賣兒金賣兒不識棄兒心賣兒母得三日飽
棄兒但望兒得生去年憐兒不忍賣今年欲賣路無人
昨夜良人死空屋阿翁今日填深谷枯樹無皮草根盡
兒啼無食母亦哭棄兒與君君勿辭但得兒生死亦足
毒哉遭此凶年苦皇天殺人不用斧吁嗟乎當年得兒
如黃金今朝棄兒如糞土

吳趨
吟 鬻女 以下附選

邵長蘅

吳人重生女不望爲門楣桃花饋女面祝女豔容儀十
二弄脂粉十三調箏絲十五髮披肩姚冶好蛾眉阿母

大歡笑價直千金爲上客來何方揮金買吳娃聞有此
好女登門前致辭女出跪拜客媒嫗相扶持拂裘露纖
趾約腕呈冰肌問女好絃索整柱彈烏栖問女好臨池
衍波寫新詞問女好手談對面試圍碁客喜語阿母千
金詎爲多叶今夕定情夕跳脫壓金釵合歡紅羅帳四
角流蘇垂都梁自有香免絲自有枝今夕就郎宿明日
與母辭女兒不戀母阿母亦不啼蓬去迷故科雛成各
東西重利輕骨肉念之令人悲

崇州

連珠池

憫如舉人之
鬻女爲伎也

趙懷玉

連珠池珠藏川自媚池邊女兒顏如花心性聰明肌細

膩生女未長成得錢便輕鬻謂他人作爺與孃授以琵琶教以曲琵琶學就曲亦成當筵又使工逢迎初猶覷覷語微澀後漸放誕姿橫生秋月春風幾回賞老嫁商人與厮養就中亦有花飄茵多少落英沾糞壤君不見連珠池水聲琮琤照影年年長自清女身報親不足惜獨念父母難爲情

貧女別

太原人以鬻女爲利割慈忍愛終身不得見當其生離已成死別風俗之偷可慨也

王省三

生女各有歸別離固其宜奈何成永訣一去無還期晨起畫雙蛾攬鏡涕垂頤脫卻舊時服易著新羅衣椎心

血數斗慟哭聲益悲有女甘棄絕耶孃胡不慈忍將心
頭肉換作釜中糜臨行拜雙親小妹牽衣啼不知是死
別猶欲強相隨出門更掩泣日瘦風慘悽傷哉貧女別
痛恨無已時

國朝詩鐸卷十七終

鬻男女補

棗兒行

畢憲曾

客投村店商邱縣道路經行駭聞見入門一老攜一兒
手挽鶉衣拭兒面自言困苦迫凶年愧爲人父誠可憐
將恐無食致夭折但願隨身不取錢人生最苦是生離
差勝吞聲作死別一朝遠隔天之涯何異死生兩訣絕
小兒十三已解事亦知去去療寒饑貧家生小不離膝
挽父牽衣心苦悲烏虜誰非人子誰無父老牛舐犢尙
有情獨聽哀鴻淚如雨

流民補

卽日書感

吳金蕙

漂零雁戶滿郊村就食蒲羸不可論
歎惜畫圖無好手西風愁殺鄭監門

任爾朱門臭梁肉一錢不捨待如何
富兒飽飯門前看但道今朝餓死多

我亦年年乞食頻羹殘炙冷最酸辛
呼兒鄭重將杯箸恐有嗟來卻饋人

國朝詩鐸卷十八

錢唐張應昌仲甫

用人

黃子雲葵誠向詩舉賢篇見政術門

讀史

蔣士銓

我讀唐虞書。命官各有專。子孫世厥職。家學承其先。一事不易任。兼攝何能全。後來分途科。借求天下賢。人各有不能。忝竊真強顏。不學而備位。倉卒難免旃。黠吏上下手。每每操微權。宋明兵戈際。用人尤可憐。一將當八面。調遣如循環。人才一何少。庸豎蝨其間。豈無遜世翁。

山中掩柴關斧斤旣莫及朽爛同曲拳徒令論世者讀史興長歎

堂官歎 慨大吏不能御下也 應 澧

君不見衛青給事漢公主渾瑊給事郭汾陽風雲每與時際會沙蟲變易爲侯王千古所養爲吐氣堂官聞之目睥睨出入惟思據要津貪殘豺虎恣橫噬盡諸全欺懵懂官假威光懾昏庸吏囊金腰玉富且多重臺役使加噍呵行省官高奴視主私橐分肥忘爾汝明年納粟許得官大車小車捆載還倏忽魚龍成變化戕戕頭上切雲冠昔日偃僂侍貴人今日傳呼步後塵昔日求金

託私覲今日貢金謀改秩官場面目盡如君傳粉男兒
愧巾幗吁嗟平衛青渾城世已寡不用賢才用廝養漢
唐功名出古下

讀書所見

汪大經

慈義皆美德才濟德乃該慈不使掌兵義不使掌財器
使苟違用每恐致事乖或云優於德不若優於才孰者
才德兼其人果難哉

書杭大宗詞科掌錄後

蕭掄

先朝求俊乂徵辟徧林泉一代風雲會千秋姓氏傳編
摩成故事文采數諸賢世豈人材少遭逢感昔年

惟昔 仁皇帝翹材典不磨徵書何鄭重遺老盡搜羅
盛事還重見詞臣記此科從來太平業原在得人多

掄又有詠古詩選舉篇見政術門

雜詩

吳世涵

取人以貌言。尼父猶有失。如何操鑑者。沾沾持斯術。絳
侯固訥訥。嚙夫乃無實。子房不魁梧。江充有奇質。斯人
苟並列。誰進當誰黜。卓哉張廷尉。舉錯論密勿。巧令固
鮮仁。懼君未識察。

士生三代後。才質多所偏。用之在節取。責備焉能全。漢
代雜王霸。高論常舍旃。有才卽見錄。牧隸皆能賢。宋人

拘繩尺往往多苛論事功罕所見豪傑每棄捐全才固
難得舉錯有微權容物道在廣收效途宜寬責人必賢
聖固哉難與言

古者建百官公卿卽連帥下至黨閭長一一皆軍吏人
材多英俊文事兼武備漢廷重辟舉亦頗得此意卿相
出治軍類能集厥事後世科目設途乃判然異書生不
知兵埋頭習文藝粹然文武資百中無一二得非途太
分人才日以萎險易固有時得人乃克濟積重非一朝
奚術祛斯弊

察吏

察吏行

張雲璈

朝察吏暮察吏察吏應從州縣始其人賢否在平時何
事頻將耳目寄耳目之寄亦有方察於所屬言無荒太
守觀察本切近豈肯信口生雌黃孰爲才能爲選懦孰
爲貪暴爲循良大府總成資攷覈一一坐致相平章又
或察之於同列片語單辭參衆說彼此政事可互觀卽
是趙家鉤距訣又或察之於細民此曹日與官相親不
將恩怨生譟語卽此可知風俗醇察吏之法不過此先
要澄懷如水止物來畢照我無心以察爲明亦徒爾今
且察之在吏胥純以風聞迎意旨竟使一路專城官若

輩公然動臧否所察愈下察已清所察既清察何裨不
但輕墮志士心直教大損 朝廷體牧令有重任畀以
墨綬紆民命寄百里豈僅効走趨 天子引之見且復
煩都俞如何束縛之竟與簿尉俱况復貝錦言大抵宵
小之唾餘善善惡惡兩無益徒使識者扼腕生長吁君
不見煌煌攷績有良法何用陰探密刺爲令甲

雲璈又有雜感詩大吏一篇見守令門

官箴

附幕箴

吳震方哀巧宦篇見仕宦門

有感明季黨事

唐孫華

明季當神廟人情逐黨同清流殊挺拔僚案失和衷三
案墮脣敝千章聒耳聾邊防談笑外國議是非中誰使
緘防口姑令瑱塞聰羣言皆寢閣萬事益荒叢氣槩門
牆峻交遊寰海通聲名驥尾附假竊虎皮蒙璜恒權方
授膺滂道轉窮鄭朋翻媚顯却慮早讒融羽翼東林廣
鳴張北寺雄驍騰多朱鵠指喉聽梅蟲斥堠頻傳警宮
隣祇內訌關城各解甲朝署尙彎弓勢急猱升木防疎
雉罹蠶源流復社接壁壘浙人攻變態分離合相傾竟
始終蝸蟬音響歇蠻觸戰場空各自飛翻手其誰念匪
躬廟堂曾誤國溝瀆枉埋忠矯激誠何濟煩言豈論功

汗青何日就瑀筆待虛公

書戒石

宋高宗戒石四語
太簡衍爲六章

袁枚

戒爾縣尹爾亦生民服官而仕於民獨親朝食其地暮
稅其人曰由我生死由我富貧垂髻戴白爛其盈門靜
言思之如之何勿仁。

唐虞旣遠象刑不作周官旣亡府胥無祿承符手力眈
眈虎目官能用吏吏如手足吏能用官官爲荼毒制之
有道豈曰笞扑

其道維何太阿在已衡定物呈水平浪止不察淵魚但
除薑尾初或毀之繼而自喜彼君子兮惠我隣里吾儕

小人殺人有禮

莫高爾門門閉則昏莫多爾符符出吏呼莫厭訟堂吾將以爲房莫畏絲勢作德莫如勤不自以爲聰終無大聾常自覺其廉滿而沾沾。

立政勿異求名勿專虎不渡河古稱偶然兩稅無差撫字賴焉五聽得宜教化在焉八頌扇和六筦崇厚仁在義先理居情後

何以寫心單父鳴琴無以爲家河陽種花莞爾而笑前有桑麻民旣信我無所不可我旣愛民民皆子孫淮陽召耶官爵大矣桐鄉祀耶死遺愛矣

枚又有卮言二篇見政術門

德政碑

趙懷玉

車行經郡縣碑碣所在有大都紀德政居十之八九鋪張炫衆目文字儼一手上言封疆吏下及令與守或僅書爵里姓氏誌其某是爲巧藏身藉以塞謗口豈無良有司哀然百城首魚目混珠璣嘉苗雜稂莠吾聞今仕宦大都結習狃閭閻製帷蓋祖道列漿酒資皆剝民生力或藉僚友遂磨十丈碑役使千夫負名存實則亡石在人已朽泰山東南高河水日夜走猛虎與長蛟往往盤踞久安能去崇朝隙地廣萬畝遍栽萊公柏盡種蘇

隄柳大書靡愧辭永保金石壽

讀循吏傳

蔣湘垣

人言吏道雜盛衰。竟何常赫赫張廷尉。始自貲爲郎。次公困馮翊。卒以廉平將。古人重功名。作吏蓋偶嘗。何爲若貪賈。倍稱取相償。

以我考課最。奪彼衣食資。請告司牧者。慘惻活窮黎。一夫饑不耕。吏不敢以糜。一女寒不織。吏不敢以衣。撫字與催科。懿哉古人詞。

蕭曹載清靜。畫一以興歌。徒聞恥百里。刀筆其如何。政擾非止沸。法深滋犯科。去蠹如去莠。養民如養禾。俗薄

競錐刀嗟嗟生網羅

峩峩去思碑郡縣悉如林史起風流遠國僑遺愛深惟
昔韓與趙聲華流到今惜其鉤距才乃愧儒者心戴星
今渺矣況乃問鳴琴

吳中吟路旁碑

周瀛

黃泉好諛諂不畏鬼揶揄三者何不朽豐碑植路隅大
書深刻之名實太厚誣秉筆伊何人得無內愧乎吾聞
甘棠舍謳思愛不渝又聞峴山巔流連淚與俱可傳復
可法萬口載道塗下馬拂拭看當辨賢與愚

官箴四章

劉思韶

聽言

貂彘亦可詢。狂夫亦有得。悻悻鄙夫懷。予智令人默。奸人工揣摩。君子矢剛直。逆我固當思。順我尤須詰。多疑事難成。偏信久必失。衆口攻一心。明哲且搖惑。所以古之人。清源在平日。

處事

處難不可驚。驚則搖衆志。處易不可忽。忽則多輕試。時勢各有宜。拘古未必利。沈幾運一心。經權不妨異。持重慮乃周。見到行當銳。詢謀集衆思。果斷而神智。諸葛一生。慎鞠躬盡其瘁。

守已

衆趨達者避雷同志士羞才智兩不見落落凡庸儔芳
蘭伍蓬艾不采夫何尤喬松飽霜雪貞固良有由伐檀
置河干何不老林邱長歌從所好風月相與游豈無吐
握人山河隔悠悠

宅心

心爲五官主莫爲萬物役利欲來相攻憧擾無休息操
舍兩不知存亡失其宅至人虛此中清氣在旦夕有如
月在天塵翳盡消釋有如鏡於人光明而澄澈世故任
紛紜固應有獨獲

附錄

家言寄兒子從幕滇南

時入郭撫軍幕府

諸省三

昔稽一書生爲人謀軍國得失繫千鈞。鄭重毫端墨。
苗女身半裙。猥人璫裏膝。習俗不易馴。撫馭非法術。
饑者悅以餐。渴者解以飲。五味在調和。薑桂豈純品。
一往不可收。肆行終窘步。譬諸上迷樓。入門思出路。

大吏

三中丞詩

故宗伯湯公斌冢宰宋公華今制府張公伯行

唐孫華

豫州擅中區。和氣陰陽萃。河洛貢苞符。崧嶽蘊靈異。故
多產名賢。芳蕤播往記。吾吳俗皆淑。撫循需大吏。屈指
三中丞。皆出梁宋地。湯公實鳳麟。一出爲時瑞。讀書蘇

門山脫略名與位學探濂閩宗氣含曾閔粹秉鉞來江
南誠求惟撫宇頑獷皆革心聲色初不試淫祠一掃除
山鬼斥非類正氣盪妖氛本教崇民義迄今民不忘談
者猶拭淚宋公宰相門扶輿鍾間氣黃瓊練臺閣蘇頌
備德器歷任典方州惠澤必需被坐鎮資老成近人總
平易條教初不煩鈴閣靜無事政餘憩滄浪碧雲動詩
思似無赫赫功萬物陰受賜張公學道人根原辨義利
方輪不解轉孤立行一意清水映冰壺屏絕絲粟餽大
法自小廉墨吏心膽悸盡力驅猘獠百城得甯睡騎虎
與握蛇仁勇心不憚去職民哀號此涕豈容僞洞察賴

聖明百濟不一墜三公皆大賢中州稟淳懿歲星偏照
吳半壁叨覆庇江左尊夷吾公等真無愧奮此直如筆
千秋待公議

吳嘉淦堯言見政術門

寄林少穆督部

朱綬

五年撫江南屢活萬人命一夫偶失所夙夜心恹恹偏
災急補救振卹多實政尤勤稼穡艱雨暘課時令東南
賦額重民力困供應緩徵與休息仰籲 天子聖當公
草疏時容端志氣正涕淚千百言積誠勸 宸聽公於
此邦民愛育若子姓熟爲度支籌旦暮起癰病楚中移

節早設施未竭竟殷殷饑渴懷在遠亦甦孕下士依慕
府真見位官敬宜留去思碑棠歌采與評

哀大吏

紀事錄
府錄入

高學沅

哀大吏哀大吏哀民哀民事何以治大吏亦自哀
國事何敢置兵食兩不足當害或並至來日一身敝舌
焦脣氣不得抗眉不得伸飭勞慘慘復畏咎中夜徬徨
遑室走絕筆大書告僚友上國下民呼負負嗚呼誰非
全軀保妻子之田鞠躬盡瘁當世能幾人

奉使

張雲巖雜感詩皇華使一篇見守令門

桂超南樂城紀事關故一篇見守令門

管世銘乘驛謠兒迎送伺應門

守令

誠兒

親民真如守令而令於民更親
屬兒將之沁水狂特書示之

趙申喬

書生筮仕儼臨民端氏城邊望澤新饑瘡疾憐未起
勞心撫字可無人

匹馬衝寒驛路賒丁甯囑爾輩皆嘆保民若子方成子
治邑如家莫爲家

曲周雜詩

六首
錄二

袁守定

整駕臨大邑屹屹不遑栖譬彼力田事日夜有所思所
思復何許要與斯民宜撫摩之不暇曷爲云治之不車

諮所苦將以除其疵春風不澤物安用青陽爲
侵星出縣門紅旭條已逼晨氣靜川原流塵不我卽南
陌禾油油東菑稷翼翼南陌復東菑辛勤弗遑息停驂
問土風聊以稱吾職府帖每下來瞿然念民力民力任
用之余懷正默默服食民之膏君子有懼色

有司

不爲已甚是良箴近學模稜頗用心投鼠誠甘須忌器
從禽良快怕焚林事方掣肘科條縛人尙吹毛翻覆尋
佛法依來都餓死有司讀律莫教深

諺云依佛法都餓
煞依律法都打煞

袁枚書戒石六章見官箴門

雜感

官楚南時作

張雲璈

謂官爲有權舉動觸功令謂官爲無權適又持其柄有權無權間頗不易爲政我意欲有爲難動大府聽我意不欲爲又承大府命百里古諸侯居位亦云正如何束縛之先自違厥性設施既不可何以言利病一身不自持強顏對百姓

與人以百金其惠亦云至與人以千金感德應無地究其持贈心是必有大義苟非所應予豈肯遽輕置如何仕宦途不復論交際生未一刺通緣鮮半面睇公帑無所償輒以他人替大則數逾千小亦以百計受者不知

感與者幾成例。若謂出於私，其力安可繼？若仍移諸公，又貽後來累。本以爲大局，大局竟何濟？

公孫令洛陽路與中尉爭叱縛陽胡奴，更聞董少平當時一邑宰威令在必行，強禦旣不懼，姦宄安得生？如何今從政，其說多調停，稍徑行其意，駁斥所必撓，稍或濟以猛，必被酷吏名君看堂階上，多作戴帽餉官恃。朝廷法每爲法所阻，民畏朝廷法，卽以法爲忤，究其所以然，民健官不武，雖然無蒼鷹亦復無臥虎。

大吏居崇高，所任在臂指，小吏效奔走，所承在意旨。平時有耳目，往往寄於此，不信專城官反藉相察視奉命。

忽四出征途滿行李今日問錢穀明日問兵刑文檄密
如蝟冠蓋遙相傾此輩所至地誅求無厭生誅求或不
遂威福信口成留意事供帳親身管送迎庶幾青蠅讒
止樊無營營計彼所得受囊橐亦未盈挹彼而注茲傷
惠已不輕

出仕霑精祿本以養廉隅給之有定數不容稍有餘非
所入而入科罪計錙銖非所出而出不復問有無一則
曰捐廉所捐已拮据再則曰捐廉所捐數更逾其跡類
雜派其名爲樂輸其苦如補瘡其災等剝膚其供若正
賦其追甚亡逋權宜一時計張皇爲補苴哀多寡未益

彼盈此更虛 朝廷憐其病屢頒寬大書大吏無他術
疊下蕭公符

軒軒皇華使 天子寄耳目所至察利弊 君命期不
辱如何輜軒來專事擅威福但願一身肥不顧一家哭
僮奴珊瑚鞭侍從黃金軸氣餒熱可炙道路皆頻蹙不
敢出諸口未免誹以腹驅民如驅羊使官如使僕中丞
畏其威餽贐陳金玉監司畏其威拜獻恐不足收令畏
其威供帳盛華綈但博使者懽敢拂使者欲下及輿僮
輩無不飽囊橐忽然黃紙收使者就囚服傲色對僚吏
低首赴岍獄有司籍其家一一入簿錄輦金雖如山一

死詎能贖當時獻媚人。同日遭斥逐。聞者心爲寒。談者
頸爲縮。豈知局中人。仍復循舊局。

卽事

錄二首

又

整衣坐堂皇。視事勞兩眸。環庭來聽訟。有牘不敢留。忽
然文檄下如火。蕭監州敦迫使就道。無許少逗遛。百事
不得理。遽爾問程郵。行李命僮僕。日吉不暇諏。是時天
霖雨。滑澁輿夫愁。奔馳惟恐後。晨夕不得休。七日達會
城。三日謁上游。上游了無語。千里面一謀。我生安愚拙。
空然無所求。一笑姑置之。方寸涼如秋。

朝來府中趨。一一手版赴。自應肅清風。豈敢畏多露。同

行跡爭先相戒期必預列坐但縱言靜對或欠缺未見
多旁皇既見又忽遽性情詎盡識面目尙嫌悞昔日蘇
長公謁入不得去客位假寐詩似爲公弼賦司閤傳謝
客一去不復顧欣同散塾兒快勝脫網兔起問日早晚
已過中庭樹多少箇箇人廷望頸如驚

王蘇一點朱篇見擾累門

讀書所見

汪大經

苟令親民官和易民乃親有官則有役而役常病民民
也我于姓役以奴僕論咎司牧不察天下無是人知易
行之難吏治何由循

縣令

戴殿泗

縣令古攸重實惟民之師老幼視厥養良莠兼所治環
境越百里舉手全界之一千三百縣足盡宇宙規豈惟
督租賦豈惟威鞭笞屹然備文武保障非繭絲不見三
縣令殺賊無孑遺瓊州有奉節利川及恩施桓桓尹英
陳波周景福景姓氏九重知何曾學干楯忠義奮發爲親
民民所倚勵士士所畏一戰掃蜂蟻再進滌險巇坐令
川湖間三縣先平釐治縣皆若此賢十萬虎貔何民非
縣屬何縣非民彞建牙或避賊請歌縣令詩

丹徒贈萬廉山明府

吳嵩梁

下車告羣神焚疏明已意撰句懸公庭賣法腦塗地

聯懸

句公堂云我如賣法腦塗地爾敢欺心頭有天潔已敢銜名巧詐防胥吏薄俗

輕糞倫蠅頭角微利布教愧無方得情忍自烹素絲化
爲緇就染由漸漬生鐵鑄成杵磨鍼良不易

關城壤褊小通衢冠蓋交傳檄旁午至梯山九譯朝卑
官非所萎敢辭迎候勞事上分應爾奈何儼從驕供億
匪云薄愧茲土地境饔人告斷炊行人責饋牢酒池而
肉林餘者遺坑壕出車告成法征求下四郊明知民力
艱不能寬其徭征盡到鄰車僱之索價高煎金旣無術
挂冠馬能逃前途飛騎來又報臨星輶

莠草害及苗莠言害及政去莠鋤其根。民興務經正。往
時邪說行徒黨一何盛。飛蛾撲燈光殘灰。墮萬命邑風
豈盡涸。頻乏奇衰徑要使主先入。客來不能勝上者民
之表。爲我宣禁令。人生元氣充。庶無寒暑病。

吏胥差役

錢澄之催糧行見催科門

民謠

尤侗

多打吏少簽書。眞明府古有諸官。今差票何紛如。滿堂
阜隸塞街衢。高門巨室肆恣睢。路逢鄉民繫而驅。鄉民
入城糶新穀。持錢上櫃苦不足。卻奉牌頭買酒肉。空下

上堂受敲扑。反負杖錢贖。公差醉飽衙前宿。鄉民
下鄉一家哭。

王昊鹿城吏篇見擾累門

朱樟催租行見催科門

馬駿里胥歎見力役門

悍吏

鄭 燮

縣官編丁著圖甲。悍吏入村捉鵞鴨。縣官養老賜帛肉。
悍吏沿村括稻穀。豺狼到處無虛過。不斷人喉抉人目。
長官好善民已愁。況以不善司民牧。山田苦旱生草菅。
水田浪濶聲潺潺。聖主深仁發天庾。悍吏貪勒爲刁

奸索逋洵洵虎而翼前村後村咸屏息嗚呼長吏定不知知而故縱非人爲

虎差詩

羅天尺

順邑多虎差殺民官不知康熙年間事紳士上陳詞樹石縣門前可名酸鼻碑一事奉差去雞犬屋上飛銀鐙拘禁來未卽見官師酷受諸苦刑法外名多奇有名簫引鳳鐵笛口中吹有名女照鏡穢物滿盤厄有名地拋毬四爪伏如獅有名鳩點水一足立如夔士民睜睜視誰敢奈何爲新任王令公政入境能察眉謂豈止蜂毒人欲寢其皮動卽加刑責好還天豈非茲事快人心婦

孺爭傳奇後宰斯土者請讀虎差詩

莊保吟

謝啟昆

我行禦兒鄉父老訴荼苦云曾充地保不得安樂土本
非在官人終日赴官府朝納上頭錢夕爲東道主吏胥
下鄉來面賴怒如虎催科惟我貸酒食惟我取不敢籍
富豪大都點愚魯中人十家產殷戶變貧戶浙東曰莊
長名異實則同僉名及雋秀流禍尤無窮青衿弟子員
不得居黌宮縣令來勘事應役聽晨鐘興徒築水利鑿
鼓催蓂蓂春夏廢絙誦豈但荒耕農聆汝言娓娓感我
心惻惻我自田間來每歲防蝨賊蝨賊偶一逢此患何

時息由單用滾催且不煩追迫何況有業民安能走阡陌府史胥徒外伊誰創此役俗吏徇因循孰肯破成格申章告大吏同心賴同德中丞曰蠶哉是宜永禁革牧馬去其害養木除其棘春風吹萬屋如病祛肝膈蠹吏聞之懼令下復藏匿良民喜且憂官遷恐變易治術著成規懸象登簡冊作詩告後來大書鐫樂石

甯夏采風

堡渠長

楊芳燦

周禮置六鄉治具何其縟州閭族比隣一一備官屬漢時鄉亭職三老最尊宿其他斗食員頗亦資教督自從保甲行無復在齒錄徒有奔走勞而無儋石祿官既賤

其人人亦恥其役朔方屯戍地四塞兼水陸一堡置一
長渠長爲之副厥初在得人明信堅約束比來日流失
抗敝浸爲俗額缺更承充充者半貪黷往往征調時花
名若星簇公庭持手教寄之爲耳目謂可制吏胥吏反
緣爲壑一差蔓十家以次相魚肉卻署逃亡籍株累試
鞭扑豈知民脂膏狼藉飽其腹更兼絲與粒國計關錢
穀坐令百年間積逋不可復此輩相依倚善幻如轉軸
絲失絰者紊弓離繫者曲莫待熏灌窮始勘狐鼠獄

應新敲釘椎

嚴胥吏也地棍與衙憲借端串詐鄉愚謂之敲釘椎

詹應甲

雷椎不向空中擊坐視羣鬼相擊搏有聲硠硠釘鏐鏐

受者不知何處落眼中有刺腦後無鍼見利忘害寸鐵
皆金一敲不中再敲中筆刀下手分輕重椎柄有人能
運用釘長易拔椎大難收除弊要先自蠹始然後蠹藏
其尾虵埋頭不見斬釘慧劍懸吳鉤金剛飛杵碎髑髏

贈刑胥方峯

黃安濤

牙吏事趨走卑冗等廝役魯者苦遲頓巧者患姦慝守
法兼用聰若曹頗難得嶺南風土殊鳥言同磔格聽訟
吾猶人所慮下情匿傳宣有佳吏形語罔差忒辯詰數
百言如泉流汨汨聲諧更神和快吐我胸臆上意靡不
宣民隱無或隔官吏相與成案牘少塵積憶從視事來

盼睐每加飾几案爾最親對爾無愧色閱人爾已多我
去何足惜憐才一寸心惘惘劇難釋

老太公

甯都小樂府之一

郭儀霄

一差徒侶百人從差頭羣稱老太公長官雖長猶可語
老太公來孰敢侮士民見官如見父州人見差如見虎
虎偃虎子何牙牙事未到官已破家

縣吏尊

陳偕燦

一官高坐儒者氣旁立一官若可畏鄉民從未入官衙
不畏縣官畏縣吏縣吏大索鄉民錢俯首瑟縮來乞憐
嗟爾乞憐何太愚若輩出入身輕肥但願得錢快心志

何惜竭爾膏與脂膏脂竭不敢言堂廉遠縣吏尊

里胥苦

朱綬

往時里胥猛於虎官倉開日拘花戶殺雞屠豕意猶怒
今時里胥弱於鼠官倉閉日杖在股賣男鬻女心自苦
借問里胥何爾爲往無民欠今有之縣官不肯見花戶
里胥皮肉供鞭笞官中與限限三日前限未過後限迫
遍體瘡痍醫不得扶瘡走乞花戶憐花戶昨朝求賣田
田無人要休論錢上堂卽遭縣官罵口不能言杖交下
總知微命盡須與甚悔生身充里胥卻言父母在時好
身充里胥梁肉飽嗚呼皇天胡不仁歲事屢瘠民日貧

君不見往時臘月完租賦今時暑月同追呼
叶里胥十
九臂無膚晚鼓聲中縣堂去

雜詩

吳世涵

先聖制久湮法令滋流弊世無封建官獨有封建吏官
長如過客去來無定地吏職如家業傳及子孫世坐是
吏益奸舞文習故智官長日忽忽無從究情僞欲令官
稱職久任著威德一職可終身吏易官不易欲使吏無
欺科條刪繁辭有如三章約吏知官亦知

葉蘭紀事樂府見漕政門

循良歌頌

鹽官令行爲許西山作

丁 彭

皇帝御極十有二載鹽官令許君本自相州以甲科高

第宏才博學著聞單車就道來涖吾甯

解一

問民所疾

苦興善除弊毋覆案不急以妨民哀仁獎孝男耕婦織

風俗以淳

解二

更有探丸技擊咸伏草間屏息桂苻不

驚室家穰穰市中無鬻子井閭睦親

解三

穿渠以灌鹵

田溝澮攸漑仿治鄴西門勸農講讀舉孝廉公明盡得

其人昔有文翁今有神君

解四

邑僻處海濱馮夷斯怒

我氓其墊昏探龍威冊刑白馬於神海水蕩蕩歸崑崙

解五

時而旱麓甘澍大降黍苗蓁蓁故秋非我秋春非

我春愈曰我侯之德所臻

六解

賢哉我邑許君民安其

業吏守其職三年而政成謠於衢歌於巷朋酒具陳上

有滄浪天下有黃口小兒莫不鑒白我侯之貞忱

七解

皇鑒茂宰褒嘉治行第一界之大旨文繡入爲卿士允

備咨詢古之循良無如我君敢告史氏以垂法後昆

八解

使君哭

爲權伯亮邑侯賦也公下車餘具十痛哭爲子遺請命於上臺因相傳以爲謠云

陶之典

君不見鷄衣百結子追租縣門裏君不見轉粟上西山

丁壯去田間

一解

饗殮輟盡斂不輟紛紛胥吏心如鐵

崇臺大府邈在天溝中疾痛何由徹

二解

幸哉天不絕

帡幪單車遠駕來權公

三解

公下車兮淚滿胸與胞事

在繪圖中哭開重霧回春風

四解

昔時噉澤今絃聲昔

時肉鼓今壤鳴公十哭兮民更生

五解

膠水謠

爲陸令君稼書作

嚴我斯

膠之水兮清且漣使君堂上坐鳴絃膠之水兮清且漪
使君郊外多耕犁使君官庖食無肉長鬚編籬種野蕨
使君侵晨寒無衣老婢當窗織布機使君寒民五袴使
君饑民含哺升君之堂進君酒有酒盈卮有蔬盈豆長
老在前稚子在後俚語歌呼爲君壽清畏人知兮何人
弗知吁嗟今之人兮廉吏可爲而不爲

禹城行

香谷許先生令禹城三年縣大治世言縣難爲上官難事例難破令一搖手不得香

谷爲之綽綽有餘裕令而盡香谷若也民其有
瘳乎余欲爲作傳而其事皆可愛筆不忍割乃
櫟括而託於民間歡
謠之義爲作禹城行

韓 葵

聖皇御極久民牧簡循良濟南之禹城令賢聞四方借
問賢令誰許君系高陽其貌和而柔其人清且明南方
風氣弱矯哉君子強見義乃必爲大勇不可當愛護我
人民冬日與秋霜采風倘有聽請聽禹城行言言皆實
錄一一民所詳始令下車時威稜整紀綱邑有豪黠奴
高李最彊梁

高士偉李重榮
事詳禹城事略

乘馬入富家無端索金償

不者輒繫去拷掠徧癩瘡書契獻田宅攫取如盜囊令

聞而大怒抵几髯戟張歲除霹靂鐵掩捕無走藏高既
斃杖下李亦尸路旁歡呼咸往觀桓東少年場主人謝
受教嘆惜更稱揚其餘大猾徒根斷無芽萌往往爾尾
青大枷名見北史不虛設南牆嘉穀待膏雨必除莠與稂一時
民歡謠菩薩是金剛有菩薩變金剛之語嗚呼民命重吏窟穴其
中日月淹繫久兩辭俱敗傷令到不勾攝立往決其平
生者得有家死者得埋葬往還祇半天胥役無奔忙有隨
到隨審只半天之謠其或連婦女一筆與勾將何來六曲屏闥人
感稱觴爲妾護嬌羞除是爹與孃詞中牽連婦女者盡勾去不問涉命案亦
在家候審壽日里民製錦幃另一屏是婦女名訝之乃皆詞訟免到官者戶口稽以實成丁

必一牀繩除皆凍黎更豁小而黃甯甘耗減罪毋乃增

羨坊

禹城人丁前次增報二千有奇悉核實減除

墾田亦如之勸耕杏與莒

催科卽撫字亭午退堂皇農民輸賦歸墟落猶日光

比較

日中而畢民無暮夜守候之苦

里正與衙前不須雇錢充小邑日奔命

徭役無勞攘所過一切辦而不破積倉前年 翠華來

萬馬天騰驤百姓但縱觀不知有糗糧往昔苦逋逃隣

里罹禍殃至今斷株連荒閭無一亡往昔苦盜賊裏足

賈與商至今夜行臥付與使君裝水旱之不時祝甯丁

我躬蟲乃不爲災境亦不入蝗猶恐疫癘作給藥味自

嘗視事或牽衣苦問飲何湯亟命與善藥多起羸與庭

比較日常有暇時興學校所拔必才英春秋行鄉飲禮

讓何煌煌山東大秀才突而恂且莊往時威夏楚今可

鼓笙簧

山東諸生挾制官府者名大秀才申請聽其尤者俗一變

治化一以孚小大

咸悅康當令懸弧日爭願殺羔羊勞苦諸父老義不受

筐筐樹木如樹人厚意當無忘一時獻壽柳春色滿林

塘

所植柳人稱壽柳

植之樂采亭

亭新建泮池南以課士

勝似永豐坊大

道萬千株暘者蔭清涼風流真可愛人似比甘棠年未

及懸車邱壑思徜徉上官留至再谷園詩琳瑯

上官同僚各贈

詩有谷園唱和集

父老聞令去啞啼如兒嬰少年聞令去牽裾

如父兄婦姑聞令去掩泣不施妝自悲命何苦仍恐到

公堂去矣可奈何。空村出遮行。爭跪前致辭。明府徹底清。在縣惟飲水。民今進酒漿。滴滴皆恩波。以祝身無疆。在縣常布褐。民今製衣裳。絲絲結去思。尺寸民自量。一路臨江南。花枝曳紅長。漯河小西湖。豐碑傍石梁。西門外三里爲漯河。稱小西湖。石橋久圯。修復以利涉民。建去思碑於此。石濶不得語。但攀新垂楊。漯河旁亦栽柳。歲時走祠下。國人翻若狂。誰言懷輒俗。鴉音食我桑。誰言作吏難。百里直糝糠。彈琴久絕絃。製錦爛成章。歌以貢民情。枳棘此鸞凰。他日並千秋。安陽與桐鄉。

唐孫華三中丞詩見大吏門

吳歆

爲陳滄洲太守作

唐孫華

我行適吳會散步城東隅道旁數老叟相聚羣嗟吁問
叟何所苦言出涕淚俱皆言太守去誰與活榮孤吾吳
實皆竄謬稱財賦區民風競華靡外充中固癯太守躬
儉約性魚絕庖廚屬吏咸畏法毋敢輒恣睢太守未來
時戈鋌伏萑苻自從太守來大澤無鳴狐太守未來時
號勇擅相屠自從太守來椎埋散奸徒吳俗好爭訟投
匭工詆誣自從太守來水蠹潛亡遁吳俗尙飲博繞牀
叫梟廬自從太守來閭巷息携菹吳俗喜淫祀靈談舞
陳珠自從太守來祭賽斷妖巫前此府帖下遣吏督征

輸太守緩征斂州縣稀尺符吏胥作蠹賊公帑任穿窬
太守嫉奸蠹宿弊剗根株太守多微行清夜穿街衢競
傳太守至滅燭掩門樞搖手相禁戒汝莫逞狂圖遂疑
一太守化作百千軀白下昔罷官攀號沸通都徵拜起
徒中歡呼溢吳趨忠信達上下撫軍亦醇儒從容論民
瘼指臂交相須不知坐何事解組忽須臾嬰兒奪慈母
誰憐泣呱呱我聞父老言惆悵心煩紆安得百賢守遍
使窮民蘇終望太守還永願嬉含哺一朝嚙嚙去叫天
眞無辜誰能叩 九闕 天聽通吳歛

張雲章海圻謠見蠲免門

姚世鈺吳興太守篇見善政門

沈德潛題于清端紀績圖見盜賊門

秦大士蔡侯救圩歌見水災門

清豐賢宰篇

吾師顧涑園太守曾宰清豐有惠政今且五十年矣其邑中父老禮天竺

大士至杭相率三十餘人登公堂羅拜而去余目睹其事作是篇

湯禮祥

山雞愛毛羽志士重修名况乃爲民牧毀譽尤易成清

豐有賢宰吾鄉推耆英憶昔漳衛水一決連魏城哀哉

城下骨尙帶蛟龍腥賑恤招流亡零丁復零丁三上河

渠書議格終不行紀災淚盈紙鴻鴈同哀鳴

公有勘災吟四章

距今五十載父老來西泠自言清豐民我曹皆侯生侯

今喜健在侯昔何賢能中有年少子傳聞自父兄今幸
覩侯面恨未竹馬迎或者踈不起或稽首階庭或起焚
鑪香或笑或涕零何以獻我侯紫棗維黃橙何以頌我
侯壽考而康寧我公前致辭小惠何足稱無端念衰朽
而我愧益增願爾爲良民願不負太平手摩父老頂歡
愛如孩嬰出門尙回顧觀者填柴荆允矣古遺愛亦足
驗民情民情有如此願共惜賢聲

題趙恭毅公頌德遺冊

余少居楚楚人爲余言毘陵趙恭毅公遺事公撫楚

時嘗微服偕藩臬之市肆中問政得失市人盛稱公而詆兩人兩人愧汗不敢出一語公偕藩臬去頃復還呼其人謂之曰若言兩人過兩人必怒若然有我在無恐因以所攜扇貽之曰持

此謁藩司則無事矣明日藩司以扇還公公徐語曰人言可畏也其後藩臬亦奉法屬縣水災公與一僕操小舟抵城下晨興坐縣堂令驚起伏謁公索米飲一甌啜已卽去其他所述畧與史傳同後十餘年獲交公之元孫億生以公頌德遺冊示余蓋撫浙時錢唐項君溶所作憶公之功於楚視浙尤大而楚南無人紀述功德余因掇拾所聞敘之以詩以補楚人之闕

顧敏恆

昔余居楚南周旋歲時久時時談軼事傳自楚中叟叟云恭毅公距今百年後甘棠思召伯遺愛在耆耆公爲沅撫時微服暨僚友從容坐市肆得失試研剖人言大中丞清節世無有旁及諸在位如鏡別妍醜其時藩臬愧汗浹衣垢又言屬縣災小艇具糧糗侵晨坐縣庭

階下拜墨綬但詢民疾苦供億無所取槃弧蔓餘種篲
箚逋逃藪孱黎賴安全不復困陵蹂惟公我同郡跬步
及門口頃交公元孫益悉先澤厚出公頌德冊傳世等
圭卣煌煌一千字文儼與嗣手撫浙如撫楚身為風化
首官方尙廉平土俗躋康阜公當聖祖朝寵遇出人
右史臣譔行事威烈垂不朽傳聞頗瑣屑挂一遺八九
慚無瓊琚詞詎足比齋曰

固原縣志

別固原

志去思也

爲固原吏目張傳心作

周有聲

三月十五日張公去固原固原人家幾萬口傾城出餞
張公酒餞公酒送公行願公不惜盡一升平生酒力過

大戸一人一啜公不勝到瓦亭到隆德百姓依依行不
得州官亦有酒如澠不如村醪傾一滴百姓且去公勿
留萬人淚作長河流力田藝黍教孝弟公去邇如公在
州吁嗟乎官民相視本父子奈何官去民翻喜皇皇大
吏不得民張公纔一吏目耳

吳嵩梁贈丹徒萬明府詩見守令門

朱實發頌林令前溪樂府胡敬林並見善政門

中丞新政

徐寶善泰安徐令樂府

屠公布

琴陽宰儀徵教民種木棉頒織具民始知織名曰屠公布

李方湛

儀之民男不知耕女不織縣官憫爾寒親製繰車頒紡
式一朝吉貝花開滿東阡與西陌三日織成布一匹軋

軋機聲燈照壁縣官誰今詩翁經綸小試製錦功昔曾
簪筆明光宮有客江西販鹽去道逢鄉人羞統袴何似
儂家衣織素君不見屠公布

牆下桑

儀徵民習於販私懶於種植
琴鵲課令栽桑而教之登

又

牆下桑枝短短春風吹綠雲滿縣官來一何晚早知栽
桑利績紡何苦販私罹法網墮起提筐來江邊儂家箔
上蠶初眠今年衣定裝新綿

藥城謠

爲故邑令
朱承禮作

梅曾亮

朝亦空齋坐暮亦空齋宿右詩左書與案牘時有里正
來叩頭鄉民僕僕直出直入闔者躑躅

有鬪傷案縣官來看午時里正報未時縣官來縣官入
城去父老始驚猜從縣官者何一車一騾一刑招房一
詐作。

時時掘深溝時時填官路溝流湯湯我黍奮張溝深路
高行人不苦。

溝欲深柳欲密中間大路如繩直此法起自張桐城劫
盜之馬不旁逸。

朱綬永康謠見賑糶門

又儀徵令篇見守令門

聞楚人述漢陽司馬趙靜山事

馬壽齡

洶洶水勢連人聲江水欲與城門平出錢卹民庫已竭
三日暫停命幾絕萬衆圍官官受訶不知其意將云何
大府遣民民掩耳謂爾支吾吾死矣太守以下善說辭
胥吏駭汗遭鞭笞司馬聞知飛轎來民攀轎簾親揭開
衆目端詳一聲好爛額焦頭都拜倒道是當年漢陽令
惟所命之吾聽命爭換輿夫馳到局長官後隨徒僕僕
司馬呼民民我兒我能乞米兒不饑兒命在我兒無違
定以錢數約以期期較長官所約遠民反欣欣諾而返
晝夜經營不告勞哀鴻中澤無嗷嗷烏虐民心歸仁在
求瘼欺民賸民徒愧怍君不見趙青天已別漢陽將十

年漢南口碑江南傳

酷吏

葉燮湖天霜篇見刑獄門

南山虎

刺司牧之貪酷也

劉文培

南山虎蹲踞山巔大如牯眼光射日夜不眠威勢揚風
喜亦怒食人那管人亂號君山轉使山爲罟商賈聞聲
斷踪跡居民忍餓關門戶嗟爾南山虎豺狼亦是飽爾
肚爾偏引作爪牙伍狐狸借爾弄威福虺蜴仗爾聚林
莽更有佞鬼巧心計驅爾如羊爾首頰鼯鼠飲河祇滿
腹血肉淋漓變腥腐爾止一身爾從多毒流四境爾豈

睹天民天愛不爾容明有網羅暗弓弩肆惡幾時爾何苦

王環封令化虎行見果報門

陳文述苧衣篇見刑獄門

清廉

典裘歌

錢澄之

江南開府駐東吳門冷如冰自昔無舉家盡食江船米
吳中水外無所需錦衣珍饌久寂寞閒卻驢驢裘不著
有時典錢贈故人官高衣服甯嫌惡中丞意氣舊豪華
特惡吳中風俗奢表率樸素自身始一時民吏爭咨嗟

卽今著出大布好閭閻競羨儉爲寶過市鼪貂殊足羞
不衷妖服迹如掃一裘價重值幾金典裘務慙墨吏心
卽使裘去還堪贖典裘爲挽奢淫俗不然羔羊素絲節
亦小區區潔身何足道吳人言此一裘關係多邀余爲
作典裘歌

賣船行

爲施愚山
參議作

程可則

湖西使君清無比一官但飲湖西水湖西之水清粼粼
照見使君亦如此使君初到湖西時千里百里紛瘡痍
使君掌上作霖雨調和二郡無嗟咨幾年教訓兼生聚
只有官貧尚如故政成不賸買山錢曰歸且賣扁舟去

君不見世人作吏徒碌碌衣馬輕肥及僮僕管取千航
捆載歸那知一路吞聲哭歸來治湖還治山山水全移
几案間藏春屋傍芙蓉塢載酒人過楊柳灣轉眼桑田
不相假荒臺絕磴哀湍瀉父老徒傳虎政名兒孫半是
鶉衣者羨君官貧百不憂愛君身閒能遠游卽今惠聲
滿江楚賣船豈曰非良謀重尋一葉垂竿去與爾散髮
凌滄洲

嚴我斯鵲水謠見循良歌頌門

惡溪漁父行

顧景星

昔有漁父賢鼓枻湘江邊今有漁父賢辭金惡水川惡

溪信自惡白浪翻蒼天行估泣相弔櫓楫漂雲煙釣竿
罾簾籠縈帶相鈎連長跪白府主府主仁且廉封題竟
如故持付司庫員明歲粵賈來捧簾涕漣漣中有雞味
犀翡翠鋪金鈿名珠勝果核一一珠絨穿何以報府主
鰕角雙屈卷何以報漁父絲繩貫青錢府主謝不有漁
父辭亦堅清風化饕餮此事甌人傳繡衣按部至彰瘡
職所專蘆中樹棹楔菰影來旌旃我歌漁父引遠繼雁
門篇借問府主誰松江周茂源

貪黷

井金行

趙文室者奸相馬氏之書役也官至左都督氣餒赫赫丙戌春於其宅井中淘金不

可數計入于官方垣庵先生作井金行余亦繼作

邢昉

石欄斑駁苔生井井上轆轤百尺綆轆轤汲盡井中水
纍纍黃金出井底百人荷擔萬人觀皮冠豹舄多大官
擔夫流汗官嘖嘖馬蹏爛熳光成團入井出井剛一載
炙手熏天氣安在白玉橫纏廝養身黃金那不委埃塵
井旁側近西宮路憶昨六龍從此去丞相虛傳扈蹕行
輿臺爭指淘金處

孤兒行

田茂遇

孤兒啼聲何淒然問汝啼何爲長跪答言父爲南海太
守清廉不枉取一錢鳴騶吹角大吏巡邊前導到部喧

然晨報謁不得前。夕報謁不得前。急從販繒者貫縑百聯獻之幕府。大不歡。曰：此邦舊有百斛珍珠船。大吏朝去境。夕拜牋守此海邦。另擇名賢。烏白鷺黑。上下茫然。父羈南海。不得旋客。死歸黃泉。兒負嫠母。跋涉山川。乞食路間。望見大吏鳴騶吹角。仍巡邊猗。嗟父骨歸何年。

擬素絲中吟

素絲 倣墨吏也

張英

我聞壽春令始駕牛車來。三年報政去。仍駕牛車回。一犢且不攜。留置清池隈。于今入仕。何草草橫將民社營。溫飽真謂五色石。可以補蒼昊。真謂精衛力。可以填浩渺。向使貪吏長子孫。負郭千頃高於門。蹙額不受鬼神

瞰車中薏苡今常存。胡爲乎昔人祇自苦。萊蕪釜內無
糴殍。君不見鷓鴣十百魚舟上。日日爲人涉風浪。長喙
徒勞腹苦饑。幾曾飽食還飛颺。何如白鶴遊青田。少飲
少啄全天然。

效樂天體詩

劉青藜

富家衣綺羅。貧家衣布素。綺羅不自織。布素手親作。朝
朝采棉花。夜夜擘破絮。紡車札札鳴。兒啼不暇乳。待到
機杼登。辛勤知幾度。可憐釜甑空。罄罄嗟四顧。眼前饑
欲死。遑恤襦與袴。抱布易斗粟。八口且沾飫。白望巧相
逢。揚言收官布。值十不償一。欲語恐嗔怒。獻公分所甘。

枵腹將安措官本千金軀此物甯堪御似聞載還鄉奇
貨從此寓吁嗟胡威絹吁嗟沈香渡此風久寥落已矣
將誰訴

坐賈囊無錢力耕村無土窮民何所業餬口資網罟悉
索雖多門誰知到水滸輪日輸官庖簽名爲漁戶官久
厭雞豚鮮鱸登盤俎日日攜網去汴沿徧浦澈絕流澤
已竭喁喁息水府大魚騰波去蝦蚶歸何許徒手詣縣
門再拜聲酸楚怒發如迅雷白梃落如雨

石韞玉雙旌謠見權奸門

金穴行

按此是紀嘉慶
初元誅和坤事

蕭掄

步障四十里珊瑚六七尺黃紫千萬標胡椒八百石好
官不過多得錢君家望近尺五天但願聖王千萬歲臣
亦富貴終天年富貴君已極風波詎可測一朝鼎湖龍
上天欲作富家翁不得銅山崩化作浪金穴成還自葬
當時理財由相君得寶比龍藏一州蒲桃酒一郡金蛇
餉金珠十瓶吳越來女樂二八鄭人貺金吾吏士來入
門一一簿錄歸天上法吏嘆惜言汝何帝恩忘汝本羽
林一衛士超拜侍中郎一年登九列十載中書堂謂將
倚汝作股肱心膂而何惟似商賈之多藏錢愚一篇論
冰練三尺強可憐鄧通一簪不著體依然窮似黔婁亡

權奸

雜興

趙賓

我歸自關西驅馬北邙山山上貴人墳縱橫盡成田上有樵牧歌下有狐狸眠翁仲纏蔓草鼯鼠竄寒煙斯人昔未沒出入帝王前片言能死人隻手可障天甯知千百載零落草壤間

魯曾煜跋扈行見將帥門

感事三首

胡寓年

煌煌太阿劍隻手乃獨把庶司百執事材盡出其下胡爲寵賂章忍以名器假苟非際盛世且指鹿爲馬失

勢不崇朝傾家同裂瓦早誦都廬篇能弗淚如瀉
多藏者厚亡天道猶轉轂理財而專利鼎已折其足能
聚不能散曷貴金與玉身家日以肥民命日以蹙豈惟
怨之府實乃禍所伏鄙哉齊慶封天富非爲福
虎踞山之陽羣狐伺其側藉虎狐假威藉狐虎添翼虎
斃羣狐奔伏莽畏見日倚託權要門良由寡達識趨利
適賈害尋枉無尺直何如勵清操碩果終不食

雙旌謠

石韞玉

雙旌搖搖辟路人白面少年乘朱輪道旁觀者屏氣立
云是中朝執法臣去年治獄河南道太守郊迎先進寶

河隄使者禮貌輕一紙封章達天表財入縣官身戍邊
草索牽連及襁褓今年星輅臨濟北守令聞聲齒先擊
但願使君勿作威不惜兼金萬千鎰城西車馬喧如雷
騶卒傳呼使節來肥甘充庖馬盈廐百官旦夕趨行臺
守令入門望塵拜小大之獄評價賣大獄論萬小論千
聽者遵依不敢懈執法之臣善弄法睚眦必報心始快
濟上人家閥閼門仙李千年子姓繁富者守財貧者怨
訟牘到臺達九閭米鹽淩雜家人事曲直亦煩使者論
使者巡方訪風俗心知此家頗饒足弟兄通籍在金閨
庫有金銀倉有粟事權在手令便行兩造銀鑄同坐獄

膏梁子弟習宴安誰料一朝遭僇辱人道使君折獄明
使君獄憑金重輕匹夫無罪懷璧罪至此須令谿壑盈
谿壑雖深填尙易使君大慾殊難遂十萬不足五萬餘
方保兩家各無事兩豕無事各無言使者歸朝報至
尊封置大吏多闕耳微臣所讞民無冤天子臨軒賜
顏色舉朝若箇如卿直宮中府中積弊多百事皆資卿
整飭從古強梁有盡時高高上天聽則卑謬人在位于
夫指中外藉藉多微詞禍機一發不可避露雷無私待
時至時至回天技亦窮百口流離五刑備緹騎到門妻
子散狼藉金繒堆滿地內而臧獲外田園一物以上皆

入官哆囉呢積一千版他物稱是不待言 天子臨軒
親決問問汝譴張實可恨平時歷詆衆公卿汝身何自
千國憲褫去朝衣赴東市朝士咨嗟國人喜乃兄乃父
皆賢良何緣出此不才子十載 君恩忍負心家破身
亡竟如此

世祿

少年行

孫枝蔚

少年不讀書父兄佩金印子弟乘高車少年不學稼
朝出烏衣巷暮飲青樓下豈知樹上花委地不如蓬與麻
可憐樓中梯枯爛誰論高與低爾父爾兄歸黃土爾今

獨自立門戶爾亦不辨歟東西爾亦不能學商賈時衰
運去繁華歇年年大水傷禾黍舊時諸青衣散去知何
所簿吏忽升堂催租聲最怒相傳新使君憐才頗重文
爾曹不識字張口無所云鸞田田不售哭上城東墳昔
日少年今如此地下貴人聞不聞

孫鉉曰此詩可
爲統袴子作傳

時世公子行

唐孫華

昔聞承平貴公子軟裘寶馬誇遊敖翠蛾十樣流蘇帳
綠蟻千盃琥珀醪呼盧博簊窮晝夜百萬一擲同秋毫
門下養客獻諂笑共沾殘瀝餽餘糟當時物論重文士
白癡統袴紛訾訾於今此輩那復得豈非濁世眞賢豪

今時公子生貴甚意氣欲逼青雲高家藏金穴自封閉
仰食俯取仍貪饕銅山恨不移屋底錙銖計算爭錐刀
摸金厚地富媼泣探珠滄海蛟人號爪牙四路布佞鬼
白晝攘攫窮搜牢桑間欲奪靈輒食寒食思褫范叔袍
一錢仍望還蚨母半李亦欲分螭螭幸舍窮賓翼餘潤
妄想欲刮僂句毛僂句龜名見左傳蘇詩刮毛龜背上何時得成龜王符到門
驕不起狡童入戶摳迎勞粗涉兔園弄筆墨便薄沈謝
輕劉曹生獐面目驕橫色如睹魑魅逢山魃嗚呼往時
公子不可見江河日下流滔滔

公子行

陳章

未登仕版籍門資玉筆丰儀正少時下直朝官多拱揖
出營裨將半追隨百花隄上嘶金勒萬燭堂中列翠眉
可惜一丁全不識他年何以佐雍熙

驕癡子

趙嘉程

懵懂驕癡兒所務衣裝好不識世路難不恤人心惱但
圖已適性那管行違道苟挾富貴資復立榮名早反觀
多昧昧視物殊草草利欲既熏心是非盡顛倒習慣不
可移知非難自澡一旦失所憑將恐身不保

公子行

銘岳

紫貂裘軟壓金韉青絲倒控珊瑚鞭翩翩公子長安市

隨宦當時正妙年。朝馳白玉坊。暮宿青樓邊。青樓妙伎
豔歌舞。翠管銀笙列綺筵。一宵拚醉三百錢。一曲常拋
十萬錢。座上有狎客。客中多博徒。銷銖分燕雀。呼喝成
梟盧。四緋弄色轉銀盃。雙燭搖光照繡襦。美人纖手數
籌馬。輕挑慢撥盤中珠。盤中珠落美人笑。夜半但聞公
子輸。黃金供客無賓主。金盡牀頭揮似土。誰從別院買
芳春。仰視晴空過卓午。向年公子豪且癡。今年公子寒
且饑。滿竈但煨新榾柮。一冠徒整高接羅。妻孥聚泣苦
無奈。窮愁不死生何爲。吁嗟乎。我爲此歌。心骨悲座中
長老。咸噫嘻。但言公子初貧日。甚似而翁未宦時。

題劉彥清莎廳課經圖

陳來泰

我老閱人多習見統袴郎經史束高閣絲竹鳴便房握手到廝僕背而笑老蒼白腹了不愧青眼非所望問胡遽如許家世多輝煌翩翩作公子裘馬宜清狂及時好行樂佔畢曾未遑我聞悲作吏碌碌多匆忙不暇課子讀况遣斯民康劉公古循吏溧水留甘棠令子弱而文課讀聲琅琅治習眼不挂古意胸乃藏劫來感風木莎廳成滄桑繪圖寄我題發我時世傷願君紹清芬治經日擇剛勉爲循吏子華國蔚文章

仕宦

誦讀書

吳震方

古人重讀書貴不問生產今人亦讀書生事不可緩貲
簿爲卷帙會計當編纂不惜捐黃金立可登仕版獲利
相什伯千萬心未滿層累更急公紫綬綵蚤綰子弟又
爲卿骨肉少閒散立賢固無方何必資料揀貨殖走通
都甲第起華館懷清財自衛天衢亨且坦短檠讀書人
眊澁昏兩眼欲叩閤闕門趑趄淚潛潛

哀巧宦

又

朝廷設官位掄才到寒微下者司民社上者筦樞機苟
受祿養恩敢與初心違奈何宦達者竟爲高賢譏取民

若狼虎任事若脂韋。一朝謝朝請解組懸高車金貲溢。
府庫僮僕皆輕肥高居鬼神若故人相見希豈無貧賤
交肯恤寒與饑逢人輒患貧不日衆論非朝言乞米去
暮道典衣歸一聞乞假言怒發不可磯已身錙銖惜子
孫泥沙揮。白禍集其門朝露見晞晞哀哉宦達者無人
爲獻歎

罷官行

繆嗣寅

九重詔下收印綬身離公府不敢後部曲散盡還其家
卑司誰復來趨走相逢盡道不相識半是平生膠漆友。
街吏傳呼導騎馳煌煌飛蓋生光輝新官銜命赴官所

行人斂足避路歧。舊官去年初到日。曾似新官今日時。

長安富人行

沈名蓀

長安富人多似昔。九陌三衢馬連跡。不爲大賈非行商。
謁選銓曹新貴客。往來氣概終麤豪。衣冠炫人僮僕驕。
那須幾日相馳逐。金水橋邊掣籤速。名州太守大邑宰。
腐儒小生敢相觸。擔夫觀者弛擔驚。多金遂成仕宦名。
腰下破囊勤積貯。行看我亦爲官去。

應澧堂官歎見用人門

飛過海

王蘇

挂官籍浮宦海。登科者纔甫解入貲者寶未采承蔭者。

張帆快求薦者艤船待惟有吏員官可買姓名鄉里無庸改不須著役滿三載從朝至暮飛過海飛過海到彼岸上止官青眼看一旦脫身簿尉間飛入城來毛骨換人海中間據高坐鞭撻平民索財貨青蚨欲飛飛不過

需次吟

李春

我聞子輿言士爲貧而仕仕可以療貧貧豈能困士今也仕爲貧仕久貧無止典宅賣良田養親乏甘旨負累及弟兄俯仰愧妻子豈惟詠無魚脫粟雜糠粃亦且歎無衣緼袍與敝屣車馬門前稀寅僚淡若水今年似去

年明年復如此亦有得意人腰金復拖紫夏葛而冬裘
錦繡雜羅綺貧富每相形交情由之起奔走向權門用
盡逢迎挾既見百拜求未見鞠躬俟但得邀垂青片語
千金抵何者是官方何者曰廉恥忽然操事權捧檄津
津喜變態萬千端禿管莫能擬不如安我命舉步循其
理不如待我時中立而不倚藉免齷齪名笑罵傳鄉里

附人海歌

張興烈

車如雞棲馬如狗街前撲朔達官走折腰可憐米五斗
腳韉手版塵土厚正平懷刺翩然來毛生捧檄非其才
羊頭羊胃半侯尉招賢不用黃金臺在山泉清出山濁

大海枯魚悲刺促斗量車載恥無名入座應歌韶不足
座中有客心慨慷聞雞起舞夜未央封侯豈必盡豪傑
立身矮屋徒自傷狗監知己安可得長卿餓死羞貲郎
拚飛未免墮枳棘當道況復多豺狼吁嗟乎雲路升沈
困飛躍流涕窮途拚寂寞未餐精如可樂北山移文
不復作

官箴補

有感

于成龍

書生終日苦求官及做官時步步難窗下許多懷抱事
何曾行得與人看

附術 ○福山鹿木公林松雪樵集示兒澤長宰政和詩 爲今年猶少家傳祇

守貧喜事無循吏好名非愛民此二語林昌彝又澤

之官嘉義詩捧檄之官日羣生待命時况經新戰伐恐有

舊瘡痍謂林爽又府詩一官如處士名姓少人稱

止足心常泰飢來飯一升福州王子符大令祐慶述

亦知強項增多口祇是真鋼鍊不柔歸安楊炳每施

鞭外心常測不事苞苴夢亦清

用人補

讀 國史館列傳十六章 魏 源

按林昌彝射鷹樓詩話云國家之所賴乎臣者有三日將臣日相臣日督撫臣邵陽魏默深司

馬讀 國史列傳君不見十六章可謂善於比例詩亦雄浩流轉爲古樂府之遺

君不見海關一戰奔蚩尤王親盾荆湖一戰陳豨謀安親

烏闌布通走虜酋王親裕執戮執鉞冕執劉執非榮散畢

召周從龍從虎風雲秋英颺颺颺長城下禮烈墓前嘶

戰馬國初將兵諸王

君不見朔風高天馬號追兵夜至天驕逃杭愛山坤河

道狹途殺賊如殺草沙漠間氣人中龍北斗回望哥舒

弓額駙超勇親王

君不見王家父子鬪虓虎王進寶趙家父子如周處趙良棟

深入百戰不回頭手挈川滇歸聖主整頓乾坤要英

國朝詩鐸

卷十八

用人補

聖

武那見萑蒿作干櫓岳家父子最後雄雪夜走禽青海

戎

岳鍾琪之父岳昇龍亦名將

君不見長鯨鏖戰海水立夜颶震天轟霹靂澎湖蕩滴

蛟宮岌劇賊飛將兩勅敵那數昆陽與赤壁溟嶠天吳

日橫吸安得六丁重下擊

靖海侯施助

君不見伊犁河巴里坤轉戰萬里回孤軍黑水營葉城

畔四百騎破賊三萬風聲雪聲甲馬聲援兵夜半渾河

營飲馬昆侖銘月竈漢家天兵信雷電萬夫特萬鈞重

末年惟有海超勇

武毅謀勇公兆惠也兼及超勇公海蘭察

君不見猓獠楚蜀妖氛惡節制如山額經略血戰西川

斬京觀望旗爭避德參贊百戰天生戡難材賊平身死

屯雲雷東海長鯨作人立神弩射潮安在哉廟堂此

日思鼙鼓時危慘淡天風來

威勇侯額勒登保繼勇侯德楞泰右將臣六章

君不見萇宏碧血東周澁解謝諸侯彌尾大家令朝衣

赴東市馳詔何曾薄兵止萇鼂甯必命世才漢周須要

尊風雷直壯曲老星昭回名其爲賊氣乃摧康熙不翻

撤藩案莫洛明珠米思翰肯爲武庚罪姬旦從來濟國

猶濟川中流風颶楫須專令人慷慨康熙年

中和殿大學士圖海

君不見鄂公銳關西南氏欲令夜郎叩竿游皞熙欲令

幽谷赤子蒙春曦非常之事驚羣兒英顏毅色無危疑

左張右哈供頤麾渡瀘五月觸瘴瘵刊木擣穴山嶇崎
功成入相書常旂一朝銅鼓五溪西諸軍觀望稽合圖
中山篋滿揚南箕跋前疐後功幾墮任度惟斷平淮夷
創始圖成自古希

保和殿大學士鄂爾泰

君不見傅公誓軍金川震屢 詔班師不奉 命議功

議能議貴親訥張竟殉三軍令伊犁議起憂西顧舉朝
贊決惟一度力排羣疑擴漢疆 廟堂戰勝憑疏附商

必應宮俘應鼓從古風雲屠龍虎姚崇若在賊早平幾

時聞氣嵩嶽生

保和殿大學士傅恆

君不見金川一夕猿鶴驚一軍獨整阿文成百戰歸來

相英主甯知相業超常武黃河改道竟東趨名糧百

萬籌天府王商正色匈奴憚欽若不敢侮王旦天生方

召佐宣王百世猶興微管歎

武英殿大學士阿桂

君不見天亶天縱乾隆聖漢相獨重劉文正邊才不

足相才足汲黯宋璟嵩華峻進退百吏無私門造次陳

謀必堯舜申公亦是瑚璉器尙少溫公剛大氣何況衣

鉢傳中庸并讓禹光經術貴

東閣大學士劉統勲右相臣五章

君不見黃河決汴自勝朝國初卅載鼉鼉驕百川手

障回狂濤賴有伯益逢唐堯入疏前後如沃焦中河

創闢通千艘當其未就羣詠謠尾翹羽條音嘒嘒賈魯

被議爲衆撓自古駿烈無逍遙魚龍歲游汴泗郊黃流
幾作鍋金銷河底日隆隄日高黃河竟是天上濤

靳文襄督

河兩

君不見八閩發難浙東靡提督頓足將軍痿長城賴有
書生李疾扼常山衝突壓蚩尤壘左提印右提劍賊兵
聘貽滿兵歎斷餉填壕夜擣堅竟走猓獠完浙岸擇帥
先擇節度使從古長城恃屏翰天吳跋浪鯨崔嵬浙民
再望長城來

李文襄督浙江

君不見燕薊建都仰東南提封千里惟潦乾虞徐汪左
徒咨歎奏功惟有朱高安撫晉督冀疏導殫四河分醴

四局完天津雄霸禾芄芄歲收百萬裨民官翻疑冀北

成江南若非聖主賢藩翰端南漕嫁禍北人寒早見

鹽鐵攻桓寬

朱文端佐怡賢親王治直隸水利也

君不見八旗圈田徧三輔生聚承平百萬戶又不見邊

外土都千里沃插漢故畧供垌牧人滿土滿兩堪患何

不移人墾土兩得算賈生籌漢旋乾坤奏議我欽文定

孫開平興和萬頃屯徙實八旗兼漢軍三冬射獵三時

勤三邊拱衛皇畿尊有客撫掌笑脫幘此是漢唐從

民術今日鷓鴣行不得

孫文定督直隸籌八旗生計也

君不見南漕歲歲三百萬漕費倍之至無算銀價歲高

費增半。民除抗。租抗賦。無飽略。吏雖橫。征猶罔。莫了。雖橫索。橐不盈。惟肥倉。胥與聞。兵衣垢。必澣絃。必撤天。運有旋。道有捷。何必內河受。要挾英公海。運陶公節。萬艘溟渤如。襄涉官民歌。舞海商悅。只少未飽倉。胥篋海。運不舉海防。多水犀樓船。方荷戈小東。大東當若何。陶文毅撫江蘇行海運也。相國英和主其議。右督撫臣五章。

世祿補

雜詩二十首之一

朱彝尊

男兒一墮地。弧矢射四方。家有驥千里。豈戀詩書場。威鳳鳴啾啾。千仞肆翱翔。覽輝一以下百鳥。生儀光圈牢有。

養物毛鬣分柔剛受豢施刀俎逸欲乃見殃
駛景殉易馳安樂不可常奈何當盛年白晝處帷房

仕宦補

丞簿歎

吳振棫

丞耶簿耶滿街走安得車前馬如狗臺參大吏排作行
領之不能辨誰某一翁坊西住廿年坊東一翁來在前
妻孥信斷章僕散三旬九食厨無煙幾回曠蕩推恩例
多少豪家起投袂朝來謁客名刺新璘珣雜佩穩稱身
卻思廿載前頭事翁亦珍裘寶帶人

官箴補句

國朝詩鐸

卷十八

世祿補 仕宦補

畢

張維屏國朝詩人徵略高西園鳳翰詩摘句愛民
勿使驕驕則長戾氣束吏勿使苦苦則少生意王
再陸世錦摘句當思官作
民之母莫信人誇吏是仙

清廉補句

張南山聽松廬詩話清乃居官分內事清而不勤
其弊有不可勝言者陸麟度詩云黃昏經謝四知
金白口虛糜五斗粟此語
足爲廉吏而素餐者微

世祿補句

張南山國朝詩人徵略番萬李秋浦鱗摘句東隣
統袴子謂富可長據珠玉飾轡鞍綺羅賜僕御鳴
鞭入章臺千金買一顧烹庖滿珍錯猶謂無下箸
物力不愛惜天地亦震怒一朝勢運衰親戚等行
路見人自赧顏乞食墻間去當其祖父時
辛苦歷霜露可憐陰雨夜啾啾哭墳墓

仕宦補句

聽松廬詩話李介夫如筠與漆雲窩先生同賦宦
海詩李云長風萬里思宗慤寄語書生莫膽寒漆
詩則云中流成敗知多
少都在漁翁冷眼看

守令補

官誠贈陳子瑞宰西安

錄十首

朱琦

曩聞爲縣官首在能親民譬如一家中兒女或吟呻父
母往撫摩咆勃不汝嗔官果能愛民民自與我親有冤
向官訴疾苦得縷陳日日上公堂不知有官尊官亦笑
顏開桑麻課劬勤陳說孝與弟禮教得漸敦

士爲四民首教養最爲亟我輩起側微艱苦由目擊秀
才苦寒餓挾書往謀食豈無豪傑士志氣半銷蝕干謁

國朝詩金 卷一
誰獨恥流弊亦已極長吏雖甚賢謂此非吾職學校委
冷官風化不得力文章日頽壞人材從何出

簿書苦牽掣奔走事塵鞅縣官所得爲獨有理獄訟奸
宄嚴爲懲執法敢疎縱特恐善良輩鞭蒲遽輕用務在
養心心平情究輕重一夫搆疑獄數家廢耕種虎狼縱
需索破產忍飢凍刻木期不對念此能無慟

百里彈丸耳周知頗不易奸胥與蠹役往往巧爲伺聞
人司橐籥竊柄尤縱恣若輩本闕冗要亦皆人類苟能
善用之亦可集吾事毋偏聽生奸毋眚法滋弊開誠令
其感嚴明使其畏官書我自治安用汝識字

捕役爲盜罔縱盜盜乃橫遁逃不復追緝牒徒奉行坐
視而保奸齎糧資所營薄責遽散遣告者反怒嗔鼠竊
置不問嘯聚將難馴不觀漢杜張犯者必痛懲搆線密
爲訪懸賞重以繩枹鼓亦漸稀坐擅神明稱

藏富務在民兩稅有定額有司凜成憲徵課敢乾沒獨
虞吏胥輩宿弊未盡革得錢飽私橐雞犬肆驅嚇租稅
本多門勾稽難徧覈所冀恤民瘼節費減差役牧羊去
其擾按地編鱗冊時軫流亡憂毋令脂膏竭

治法無百全利弊恒相因興利毋過急積弊難驟更勿
云礙成例棘手空屏營征徭閔疾苦荒墾勸耨耕義倉

備荒災糴糶籌虛盈保甲與牧馬鞭迫虞擾紛良法難
具詳神明存乎人廢之不克舉彌縫成空文舉之或不
當弊竇將叢生

疾惡患太猛去奸患太柔間左多頑民大半緣情游梟
盧與擲博往往藏姦偷縱飲逞睚眦殺人快恩讐此風
北爲甚獷悍貽隱憂牧馬去其害芟草薙其穢督責詎
不嚴犯者紛相投官舍多擄蒲蚩氓復何尤治疾貴求
本瞑眩終能瘳

鴟鸞不同類貪廉性則殊達人爲我言聽我歌兩途昔
日豪華子擁貲出上都流輝耀裘馬負債忘積逋子孫

既習奢浮雲不斯須回顧悃悃吏守拙仍如初清風抗
來葉教子惟讀書善人天必昌古語良非迂貧者富不
足儉者貧有餘

周孔去已遠大道久陵夷百家相披猖學僞治益歧慄
然緬前型猶幸存遺規致用不在多仕學原兼資君於
退食暇一一參考之其源在正已其要歸無欺讀史擴
其識讀律究所宜由是宏遠謨仁政以次施行矣君勉
旃努力佐良時

國朝詩鐸卷十八終